

東  
華  
續  
錄

臣朱壽朋敬編

臣張毓英恭校

冬十月壬申朔時享 太廟遣隆勣恭代行禮○諭山東連年水災小民流徙窮困朝廷實深軫念前經諭令陳士杰截留新漕十萬石以備冬賑災黎待哺嗷嗷刻不容緩著該撫督飭地方官及委員等速將冬賑早日散放核實辦理並將明年春賑提前趕辦以全民命而卹災區○諭戶部等部會奏議復劉錦棠奏統籌新疆全局一摺前據劉錦棠奏邊議新疆兵數餉數一切事宜當經諭令該部議奏茲據會議覆陳新疆底定有年綏邊輯民事關重大允宜統籌全局釐定新章戶部前奏以定額餉定兵數一事權三端爲要圖劉錦棠所議留兵改營設官屯田四條與該部所奏用意相同卽著次第舉行以垂久遠前經左宗棠創議改立行省分設郡縣業據劉錦棠詳晰陳奏由部奏准允設道廳州縣等官現在更定官制將南北兩路辦事大臣等缺裁撤自應另設地方大員以資統轄著照所議添設甘肅新疆巡撫布政使各一員其應裁之辦事幫辦領隊參贊各大臣及烏魯木齊都統等缺除未經簡放有人外所有寶缺及署任各員著俟新設巡撫布政使到任後再行交卸候旨簡用至伊犁參贊大臣一缺塔爾巴哈臺領

隊大臣二缺應裁應留著劉錦棠等酌定具奏新疆旗綠各營兵數及關內外餉數均照議核實經理國家度支有常不容稍涉耗費劉錦棠務當與金順等挑留精銳簡練軍實並隨時稽察餉項如將領中有使冒情事卽著據實奏參從重治罪餘著照所議分別辦理如有未盡事宜仍著劉錦棠妥爲籌畫陸續陳奏再由該部詳核定議另片奏會議金順譚鍾麟所奏兵餉各節著依議行○諭前據給事中葉蔭昉奏參河南巡撫鹿傳霖貪劣欺飾各節當經諭令孫毓汶烏拉布馳往查辦茲據查明覆奏鹿傳霖被參教匪滋事募勇自衛屬員諱匿竊劫各案概行免參人命案件並不提審率以關殺擬結信任幕友與該撫姪隨棍納賄頗唐衰老罕見優屬等款或查無其事或傳聞不實卽著毋庸置議至鴉粟收稅查報易滋弊端著該撫申明例禁將加稅卽行停止其疏濬溝渠一事地勢高下不同豈能一律稱便除業經挑挖工竣外其餘均著停止河南盜風素熾近日劫案尤多該撫務當慎選牧令綏輯地方認真緝捕並令各營妥籌扼紮實力協拿總期有犯必獲以靖奸宄鹿傳霖自任河南巡撫以來辦事尙屬認真亦能不避嫌怨惟於應興應革所定新章間有窒礙之處雖係因公起見究屬措置未盡合宜鹿傳霖著交部議處○諭前據翰林院代遞編修孔祥霖奏東河歲修銀兩由道支領追發交各廳有前五成後五成名目霜降後官幕各有分潤謂之霜酬又有河夫銀一款近年工用從不需此等語當諭令孫毓汶烏拉布確

切詳查茲據將歷年領款情形查明覆奏並酌議提存撥節數目著照所請自明年爲始將歲修減成等項銀兩均存司庫冬間截數奏明請旨候撥嗣後作爲定章如核減之數遂歲增多將督辦承辦之道廳奏請獎敘倘有不肖員狃於故習貪利侵欺立即嚴參懲辦該河督務當督飭各道廳將所籌添墾減墾認真經理以期工堅帑省至前後五成官器需酬各節既據查明現在並無此等名目即著毋庸置議

○欽奉 慈禧端佑康頤昭豫莊誠皇太后懿旨本年五旬萬壽慶典業經加恩近支勳員勒等因思在京王大臣等有勤勞素著者亦宜特沛恩施御前大臣科爾沁博多勒噶台親王伯彥訥謨祜著加恩賞坐四人肩輿軍機大臣禮親王世鐸著加恩交宗人府從優議敘伊子頤品頂戴誠厚著加恩賞給應封不入八分輔國公並挑在乾清門行走大學士管理戶部事務額勒和布著加恩賞戴花翎協辦大學士戶部尚書圖敬銘刑部尚書張之萬著加恩交部從優議敘刑部右侍郎許庚身著加恩賞給頭品頂戴領侍衛內大臣固倫額駙公景壽之子員外郎志勳著加恩以郎中補用散秩大臣固倫額駙公符珍著加恩賞挑御前行走戶部左侍郎嵩申兵部右侍郎師曾總管內務府大臣廣順巴克坦布均著加恩交部從優議敘毓慶宮行走工部尚書翁同龢吏部右侍郎張家驥戶部右侍郎孫家鼐均著加恩各賞御書匾額一方用示宣綸錫義至意○欽奉 慈禧端佑康頤昭豫莊誠皇太后懿旨本年五旬萬壽慶典

允宜覃敷闔澤因念推恩之序首重親親悼親王奕諒之子輔國將軍載瀚著加恩賞給二等鎮國將軍官散秩大臣載瀛載津均著加恩賞挑乾清門行走恭親王奕訢之子不入八分輔國公載瀅著加恩賞食全俸醇親王奕譞著加恩賞給御書嘉猷經國圖額一方伊子不入八分輔國公載瀝著加恩賞食全俸親王銜惠郡王奕詳著加恩賞食親王全俸郡王銜貝勒奕劻著加恩管封慶郡王貝勒奕綱著加恩賞給郡王銜貝勒載漪載灃著加恩各賞銀一千兩山內發給貝子銜鎮國公奕謨著加恩管封貝子貝勒載漪貝子溥倫輔國公載澤鎮國將軍溥儀均著加恩在上書房讀書用示施恩錫慶篤念宗支至意

○欽奉 慈禧端佑康頤昭豫莊誠皇太后懿旨本年五旬萬壽慶典迭沛恩綸因念封疆大臣實能爲國宣力者允宜尤加獎敘大學士直隸總督李鴻章欽差大臣大學士左宗棠兵部尚書彭玉麟忠誠蒞事保障宣勞均著加恩賞給御書匾額各一方伊犁將軍金順兵部右侍郎劉錦棠廣東陸路提督張曜慎固邊防克勤職守金順著加恩開復革職留任處分劉錦棠著加恩賞加尚書銜張曜著加恩賞巡撫銜前任陝甘總督楊岳斌奉詔治軍不遲將母著加恩賞給伊母御書匾額一方大緞二疋四川總督丁寶楨陝甘總督譚鍾麟轉餉撥兵共摠忠愛前湖南提督鮑超固原提督雷正綰或奮馳邊徼或入衛京畿均著加恩交部議敘此外諸臣受國家股肱心膂之寄膺干城腹心之選務當竭忠惻於應辦吏治

軍務實力實心共籌康濟同建膚功渥膺懋賞○以劉錦棠爲甘肅新疆巡撫仍以欽差大臣督辦新疆事宜○調魏光燾爲甘肅新疆布政使以譚繼洵爲甘肅布政使○癸酉奎斌奏 臣接管卷內光緒九年十二月初三日准刑部咨以各省軍流徒犯脫逃日衆亟宜整頓又附近邊遠三項軍罪舊法參差宜加刪改均請 旨飭下各省體察情形妥議具奏等因咨行到督升任撫 臣張之洞行司遵議未據詳辦旋卽卸事 臣到任准移覆督同署按察使黃照臨悉心籌議因查各省徒犯一項每年尙屬無多且限滿卽予釋放安插既易逃者亦鮮至軍流各犯配發來督尙均發交鄉保人等管束從前案發較少防範易周亦尙不甚疏脫光緒七年兩次恭逢 恩詔查辦減等解管人犯紛至沓來分撥各州縣安置多者至數十名約束稍疏脫逃遂衆而究其犯事之由或逞其私忿或迫於飢寒以致身蹈刑章屏諸異地遠離鄉井乏術謀生羈其身而不安其心何以責其奉公守法此誠兩宜變通設法安置者部議一切令其力作令其充當夫役量予工食時加編管洵足補救時局惟各省情形不同管省地瘠俗儉修城挑河事非恆有負擔運炭居民賴以自存且視此輩非可與伍之人孰肯僱其耦耕合依計惟由官設法安置庶或稍可羈縻查各州縣以及佐雜衙署把門巡吏聽事等項夫役每署多者數十人少亦數人以及保募鄉勇巡緝尙均由官發給工食又肩挑負販亦足營生若將到配人犯除老疾者仍照例撥入養濟院發

給口糧外餘者核其原犯情節輕重分爲兩途其命盜案內犯人令其充當各項夫役鄉勇佐雜衙署亦一體撥充由官照章給發工食仍令誠實頭役及勇目管束並於印冊內聲明派充何署何役以憑稽考其雜案內人犯則發交鄉保管束由官每名酌給資本錢數千令其卽在衙前小販謀生仍於朔望按名點驗庶令各安生業不致仍前脫逃若能規復舊例將新疆遺犯照例發往不復改發則內地人犯藉可疏通尤易安插惟新疆能否安置應由新疆大臣查明辦理至充軍之法原因所犯重於流罪輕於絞候特立五軍使之充當苦差以示區別是以附近近邊邊遠三項其地雖與三流相同其罪實較三流爲重祇以裁撤邊衛改發各州縣安置而管束與流犯毫無區別遂至犯滿流者加一等擬發附近二千里充軍乃轉輕於滿流誠如部議未免輕重倒置惟查附近近邊邊遠三項乃罪名之等差若遽行刪除流罪加等者俱擬足四千里充軍不特與名例諸多牽制且亦無分重輕似非慎重刑章之道臣悉心酌議與其更變成憲致使三軍罪皆相等曷若仍維舊制量加枷號俾有區分擬請將附近近邊邊遠三項各於到配後酌加枷號三箇月而里數悉仍其舊至軍犯在配脫逃被獲加等調發仍各照本例辦理如此量爲變通庶成法不致變更而軍流亦有等差矣下刑部知之○以錢桂森爲內閣學士○命趙佑宸授職澍讀王文錦授職澤讀張仁黼授溥倫溥側讀○甲戌諭劉錦棠譚鍾麟奏遵保各省關口後路各營局

籌解協餉各員籲懇恩施開單呈覽一摺甘肅新贛戡定以來舉行善後事宜協撥餉項甚多各省關歷年籌解力濟邊軍不分畛域自應量予獎敘四川總督丁寶楨福州將軍穆圖善兩江總督曾國荃前安徽巡撫裕祿前江西巡撫潘鼎新浙江巡撫劉秉璋江蘇巡撫衛榮光前江西巡撫李文敏山東巡撫陳士杰署山西巡撫奎斌均著交部從優議敘著湖廣總督卞寶第河東河道總督成孚湖北巡撫彭祖賢河南巡撫鹿傳霖陝西巡撫邊寶泉署湖南巡撫鹿傳霖安徽巡撫盧士杰均著賞加頭品頂戴其餘單開出力各員所請獎敘著該部議奏○諭吏部奏遵議處分一摺據稱前江西巡撫潘鼎新於已革知府董兆奎前經保薦卓異照革職公罪例議以革職等語潘鼎新著加恩改為革職留任○以曾紀澤為兵部右侍郎○以陳韓為甘肅按察使○丁丑諭軍機大臣等李鴻章電稱張佩綸離准回京等語張佩綸著仍遵前旨辦理船政事宜不得藉詞諉卸○曾國荃奏臣於光緒十年九月十五日欽奉電旨左宗棠奏籌議援臺一摺著照所議南洋派兵輪五艘北洋派兵輪四五艘在上海會齊赴閩援助等因欽此當即欽遵辦理飭籌防局輪船支應所不惜重價豫備軍火與船上攻戰器具並購買外洋六角火藥及松白煤議派統帶官籌備一切需用各項嗣於九月二十九日奉電旨李鴻章現派德國水師總兵葛白齡帶快船赴閩著飭令速往停滬後與南洋所撥各船會合前進並著曾國荃楊昌溶飭水師統帶等與廣



百齡妥爲聯絡商辦或有訓練未精見識未到之處卽囑屬百齡隨時幫同教練指示等因欽此均經恭錄咨行欽遵在案查自奉 旨飭令南洋派船以來卽與北洋大臣李鴻章往返函商數次又與長江提臣李成謀隨時函商旋據復函稱開濟南琛南瑞三號快船之外惟澄慶威靖二船可以出洋共計五船略爲厚實礮位略可及遠至於統帶之員亦惟現在總理輪船營務處提督銜總兵吳安康與各船相習較久堪勝統帶之任卽用營務處副防可以號令各船所有出洋應用軍火餉糈各件業由籌防局覓爲豫辦不令缺乏至各船應領口糧及以後賈煤經費亦札令吳安康與各管駕面商酌定數目帶往應用臣接李成謀函咨比經札飭吳安康爲統帶並函囑李成謀轉飭吳安康等一俟北洋所派之船來滬卽行遵照 諭旨統率五船與李鴻章所派德國水師總兵屬百齡妥爲聯絡商辦凡有訓練未精見識未到之處隨時請屬百齡指示務期和衷共濟一俟會齊之後約期偕發相機入閩斷不可稍執己見致誤戎機吳安康此行任大責重自願與屬百齡虛心商榷統率各管駕實心任事仰慰 宸厪報聞○曾國荃奏南洋兵輪所需煤炭向係購辦東洋可介子煤及臺灣基隆煤兩種近因派船援臺又添購西洋松白煤一種其價雖較可介基隆之煤增鉅而火力較旺輪船燒用其行較速是以酌購數千噸以備各兵輪出洋禦敵之用至平常操演行駛仍發給可介基隆兩種惟江海防務孔亟基隆之煤現已難購可介

之煤價亦日昂不得不先事豫籌訪辦內地之煤以供兵輪及機器局之用七月初間派記名道馮邦棟採辦湖南耒陽白塊煤先後運到試驗火力較遜不甚合用嗣聞江西樂平老龍坑所產之煤力量尚佳經籌防機器局道員湯壽銘孫傳樞郭道直等囑湖口鎮總兵丁義方辦到樣煤數十噸分發各兵輪試用致云火力與可介基隆相仿其價亦甚相埒當此防務緊要之時內地有煤可用自應預為採辦以免外洋居奇臨時不致匱乏昨已照飭丁義方即日試辦認真揀選務須與所寄樣煤相符庶可杜撰雜細碎之弊仍飭記名道馮邦棟俟湖南辦煤經手事畢馳往湖口會同丁義方經理如果樂平老龍坑之煤以後各兵輪燒用咸宜將來即由丁義方馮邦棟源源購辦庶幾輪煤有資實於防務多所裨益至此項煤炭乃海防應用之件自應預先奏明免完關卡稅釐以利軍儲下戶部知之○已卯諭本年十月初十日恭遇 慈禧端佑康頤昭豫莊誠皇太后五旬萬壽前經降旨吏部等部八旗都統查明京外實在大員老親候旨施恩茲據查明京外大員老親有年逾八十者承歡祿養愛日舒長洵屬昇平人瑞允宜特加賞賚欽差大臣尙書銜甘肅新疆巡撫劉錦棠之祖母陳氏著賞給御書匾額一面紫檀三鑲玉如意一柄大卷江綢袍褂料二疋大卷八絲緞袍褂料二疋內閣學士兼禮部侍郎銜廣福之母徐佳氏著賞給御書匾額一面紫檀三鑲玉如意一柄小卷江綢袍褂料二件小卷八絲緞袍褂料二件西甯辦事大

臣李燾之父李宗鏡著賞給御書匾額一面紫檀三鑲玉如意一柄小卷江綢袍褂料二件小卷八絲緞袍褂料二件廣州副都統尙昌懋之母舒穆魯氏著賞給御書匾額一面紫檀三鑲玉如意一柄小卷江綢袍褂料二件小卷八絲緞袍褂料二件前工部尙書麟書之母樂鄂氏著賞給御書匾額一面紫檀三鑲玉如意一柄小卷江綢袍褂料二疋大卷八絲緞袍褂料二疋降調副都統清凱之母馬佳氏著賞給御書匾額一面紫檀三鑲玉如意一柄小卷江綢袍褂料二件小卷八絲緞袍褂料二件前陝甘總督楊岳斌之母向氏前已賞給匾額大緞著再加賞紫檀三鑲玉如意一柄大卷江綢袍褂料二疋用示錫類推恩至意○辛巳 上諭 慈寧宮行禮○壬午諭本年恭逢 慈禧端佑康頤昭豫莊誠皇太后五旬萬壽普天同慶所有王公及京外文武官員現任議降議罰及以前有革職留任及降職罰俸之案著加恩概予寬免○諭本年恭遇 慈禧端佑康頤昭豫莊誠皇太后五旬萬壽所有來京祝嘏之直隸道員道薛福辰著加恩在任以應升之缺升用天津府知府汪守正著加恩在任以道員升用○諭軍機大臣等本日降旨寬免王公及京外文武官員降罰革留等項處分除左翼前鋒統領德福內閣學士升泰一等公德隆毋庸寬免外餘著該衙門查明辦理○諭軍機大臣等據付紀澤電陳節略八條所擬與前次電旨之八條尙有相背如後來辨論著堅持定見勿稍游移倘有商議之處務當速電請旨不得輕率遷

肅近日關外各軍疊勝並諭該侍郎知悉凡使如固執己見曾紀澤可宣播其非○癸巳以李鴻章爲文  
華殿大學士靈桂爲武英殿大學士額勒和布爲體仁閣大學士○諭本年恭遇 慈禧端佑康頤昭豫  
莊誠皇太后五旬萬壽普天同慶所有隨班祝嘏之革職等員及耆民等自應量予恩施前馬蘭鎮總兵  
慶錫前國子監司業馬金壽前湖南城步縣知縣盛銘源前都察院左都御史崇厚前戶部右侍郎長敘  
前禮部右侍郎寶廷前盛京兵部侍郎綿宜前河南巡撫李鶴年前金州副都統毓福前金川副都統希  
拉布前正黃旗滿洲副都統馬蘭鎮總兵景瑞前都察院左副都御史崇勳前總管內務府大臣文錫茂  
林前記名提督張潤前署烏里雅蘇臺參贊大臣文奎前奉宸苑卿慶林前頭等侍衛泰恩將軍近光前  
鑲黃旗滿洲護軍參領安慶前遼陽城守尉毓良前吉林雙塔堡總管清瑞前安徽徽甯池太廣道恭鍾  
前貴州糧儲道松長前署河南開歸陳許道啟績前山西冀寧道左儒前江蘇常鎮通海道高長紳前開  
封府知府王文闢前福建補用道丁嘉璫前刑科給事中鄭溥元前吏部郎中敬裕前戶部郎中裕溥前  
戶部郎中邵承瀚前刑部郎中載取知府王培增前上駟院郎中德生前禮部員外郎恩緒前宗人府副  
理事官德鶴前吏部主事繆冠瀛前吏部堂主事聯海前戶部候補主事崔澄賓前戶部候補主事周頌  
前內務府堂主事慶裕前藍翎侍衛阿克達春前都察院經歷趙承恩前試署主事上駟院筆帖式恆廉

前銜帖式石齡前山西候補直隸州知州李春熙前廣東佛岡直隸縣同知朱兆槐前河南候補同知王麟斌前候選京府通判韓英前試署奉天蓋平縣知縣李梅林前直隸州知州青谿縣知縣賈芳前山西候補知縣胡震杞前安徽全椒縣知縣黃嘉瑞前雲南保山縣知縣鮑燮前江蘇金山縣知縣何炳章前北城兵馬司副指揮韓士俊前東城兵馬司副指揮楊樹藩前南城兵馬司吏目呂陳晉前署兵馬司吏目倪鏐前浙江補用典史高殿魁前雲南大理府知府景興前副護軍參領過慶前副護軍參領錫權前候選同知張鈞前山東候補知縣袁福海以上革職休致等員五品以上者均照原官降二級賞給職銜六品以下者均照原銜其已有職銜者均著加一級隨同叩祝之耆民等應如何賞資之處著該衙門查照成案辦理○乙酉諭潘蔚奏遵保人才一摺前署南昌府知府鍾鍾驥著送部引見南昌府知府賀賈楨南昌府同知冷鼎亨建昌縣知縣董沛署南城縣知縣趙之謙臨川縣知縣汪以誠均著交軍機處存記○丁亥色楞額崇綱奏查光緒七年三月十五日承准軍機大臣字寄奉 上諭恆訓丁寶楨奏請飭勘明內地與贛對地方界址分立界碑等語欽此欽遵當即恭錄譯行商上轉飭欽遵並委員會同川員勘劃在案嗣因川省委員候補知府楊福萃丁憂回省戍防贛對番官四郎珏堆香因病身故日久未能辦結復經改委巴塘糧員四川候補知縣嵇志文督同新派戍防贛對番官丹巴明足爾辦理去後茲

據委員稽志文稟稱川省遴委道員丁士彬督同該員辦理戍防贖對番官丹巴明足爾遵調前來並將  
歷年交涉夷案彙公訊斷查明查景之句結贖番實由裏塘土司之先攻查景裏塘土司之先攻查景實  
由於查景之侵佔木拉石百姓因此忿爭木拉石百姓之投查景實由於裏塘土司守備洛宗策登等之陵  
虐百姓東泥麥色首先械鬪所致逐件查明分別剖斷兩造悅服並將界務分別予斷在噶塘窩壩阿壩  
之北雄辣山豎立川藏界碑一座又於三壩之南裏塘之北立碑一座以示區別則三壩仍係川藏其大  
道差近年已久不支百務俱廢仍飭令查照舊日章程分別應差三壩應上夷賦按年照納查景改歸四  
川屬只每年交納商上銀一百兩從此贖對番官不得與聞查景地方之事裏塘土司亦不得再言三壩  
係是夷屬查景首惡業已伏除餘皆充發西藏永不准再至裏塘及梭羅三村地方滋事裏臺三犯發往  
鑄城分別監禁管束不准私行回裏其裏查互相擄兵所失各物亦兩相抵償清楚永無後釁曲登毛了  
各土司勒令繳清歷年欠交商上之款該土司等亦結認以後仍照舊章上納界址均已劃清詳載斷碑  
裏查訟案亦已完結並稱裏塘土司釀生湯鮮且失察應管頭人罪無可辭惟因此案擾累頻年應請免  
議取有番官土司遵依了案分劃清楚輸服切結川藏歷年交涉夷案一併結清刷印碑文呈送夷結稟  
報前來奴才等竊查裏塘贖對夷案牽涉有年倘辦理失於持平番眾即難悅服界務亦無從舉辦今道

員丁士彬督同委員嵇志文等先將歷年積案秉公斷結復將所轄部落分別劃清既可釋贖夷之前嫌卽以全川藏之大局辦理極爲周詳實屬異常出力未敢沒其勤勞伏查道員丁士彬籌辦邊務悉合機宜惟該道已蒙 恩賞布政使銜花翎無可加獎應如何 恩施之處伏候 聖裁委辦界務同知銜知州用四川候補知縣嵇志文備歷艱辛勤勞卓著擬請 賞戴花翎二品頂戴花翎戊防瞻對番官前戴琿琿丹巴明足爾心地明白辦事認真擬請以噶布倫儘先升用以示鼓勵之處出自 逾格鴻慈至夷塘土司不應興兵搆毀於前瞻對番官亦不應助兵圍攻於後實屬厥罪維均現據該委員稟稱因此案擾累頻年應請一併從寬免究以釋仇怨而息紛爭得 旨覽奏已悉丁士彬著交部議敘嵇志文等著照所請獎勵該部知道○戊子諭軍機大臣等據劉銘傳電奏臺灣勦捕軍餉官紳皆請奏開實官捐輸等語著戶部議奏○以黃河南堤漫口合龍予在工出力人員許鈴身等獎敘有差○己丑准故提督吳長慶在浙江嘉興府建祠○浙江巡撫劉秉璋奏准刑部咨具奏各省軍流徒犯脫逃日衆亟宜變通整頓並附近近邊遠三項充軍沿邊虛名徒滋煩雜應如何量加刪減明示區別各摺片請 旨飭下各省體察情形議奏等因咨行到浙經臣行司分飭各屬查議去後茲據按察使孫翼謀具詳前來臣查軍流徒犯定例專管有官主守有役發給口糧派充夫役立法本已周詳而脫逃仍所不免此固由防範之

不嚴亦由若輩狡黠游惰習與性成兼之犯多事少無計謀生收管員役既不能計口授食又不能形影相隨偶一疏防恆易逸於此而求整頓之方惟有籌彼生計嚴加約束兩端第葺室棲流無此經長之款城河溶築亦非常有之工此外開山墾地駕船挑脚一切力作之事民間各有專業更多窒礙未可垂爲定章悉心體察似宜選照向例量加變通較爲簡當易行擬於到配軍流等犯除挾有家口資財自能營生者不計外其年老疾之人歸入善濟院按名發給例支孤貧口糧俾免失所少壯貧苦又無手藝各犯照例發給一年口糧卽在配所文武各衙門一體分撥收管察其所長令充巡吏打掃夫役日給工食並遴派頭役目兵爲之主守勸加編管督率操作不許違離衙署如有不服約束怙惡從事者卽報明地方官從重懲治遇有脫逃州縣收管者以州縣爲專管佐雜營汛收管者以州縣爲兼轄佐雜營汛爲專管照例揭參議處本省拘役徒犯亦可照行如此量予變通庶各犯生計較寬易於馴制各衙署分管犯數無多防範不難嚴密脫逃或可漸少矣至五軍各犯自裁撤軍衛以後向與流犯一律安置並無輕重之分而附近近邊邊達三項道里實較滿流爲近部議將此三項充軍均改滿流加等極邊似屬可行當此新疆開設郡縣招人墾荒之時若將從前改發內地各犯仍發新疆分別種地當差尤屬因地因時夏策應由新疆各大臣體察情形奏明辦理下刑部知之○壬辰諭軍機大臣等內閣學士周德潤奏官



軍進取越南宜以正兵牽制河內之師別用奇兵由車里趨老撾直走哀牢以暗襲順化俟抵哀牢後兵分三路扼據險要足以制勝募用滇邊土人必能得力等語著岑毓英詳察地勢悉心酌度所奏如果可行卽行相機籌辦惟懸軍深入宜策萬全務當穩慎圖維以操勝算毋得稍形輕率致誤事機原片著鈔給閱看○命崇綺廖壽恆前往江西查辦事件○轉汪鳴鑾爲翰林院侍讀學士以惲彥彬爲翰林院侍講學士○癸巳諭軍機大臣等都察院奏湖北舉人劉斌等遣抱以官吏侵蝕書院田租等詞呈訴著卞寶第彭祖賢查明辦理原呈均著鈔給閱看將此各諭令知之○甲午諭彭玉麟等奏調員差委等語候選道王葆辰同文館教習熊方伯貴州候補知縣王秉恩著總理各國事務衙門及福建貴州各督撫飭令前赴廣東交彭玉麟等差遣委用○諭軍機大臣等據御史何崇光奏稱省城開設關姓廠視澳門開廠流弊尤甚請飭申明厲禁等語著張之洞倪文蔚師入藩仕釗前奏熟權利害一併妥議具奏另片奏請將關姓賭匪陳恆等嚴懲懲治並著查明究辦○命徐會灃授溥倫讀○乙未李鴻章電致總理各國事務衙門頃接旅順丁汝昌等續電二十二泰安船自朝來得吳兆有袁世凱函云十七盜刺閔冰翊末死吳等分投彈壓十八兵遷朝王於他處殺大臣尹泰駿等大人相臣去柄外署皆換日黨吳等欲入宮朝人傳王命力阻日人卽擁王回宮各公使勸我兵勿動吳等稟懇調重臣東渡又茅延年十九酉刻發

函傳說王妃死王未知存亡朝兵入宮殺日兵吳等知會日公使入宮保護吳袁張帶隊入宮日兵先放鎗已接仗聞仁川日輪開行恐是回渡兵云云此亂似由日人播弄並為主持然朝臣黨日者固多其臣民不服者亦衆衅端既開理處不易應否 欽派大員馳往查辦北河凍封須由奉天陸路乞轉奏 上諭軍機大臣等據李鴻章電陳朝鮮又有內亂似由日人播弄主持擬請派員查辦等語著李鴻章吳大澂會同規畫一切事宜吳大澂接奉此旨卽著酌帶數營馳赴朝鮮邊界察看情形或徑至該國都城查辦或會商慶裕籌畫邊防由該京卿迅速定議前有旨令續昌隨同慶裕辦理海防本日已諭知速卽起程與吳大澂同赴朝鮮會商一切○內申戶部奏本月十八日軍機處交出本日軍機大臣面奉 諭旨據劉銘傳電奏臺灣勸捐軍餉官紳皆請奏開實官捐輸等語著戶部速議具奏欽此○等伏思從前開捐實官爲 朝廷萬不得已之舉光緒五年間奉 特旨停止苟非時事迫切曷敢復請開惟查此時臺灣情形基隆未復文報罕通運餉艱難已在 聖明洞鑒之中幸臺地素多富紳就地勸捐可以助餉然無術招徠難期踴躍劉銘傳電稱官紳請開實官捐輸自係爲軍餉不繼招徠踴躍起見臣等公同商酌擬請 俯如所請准於臺灣地方暫開實官捐輸凡京職自郎中以下外官自道府以下及三班分先分間儘先各花樣均按照例定十成銀數報捐不准以錢文軍械米穀折算作爲臺灣防剿經費一切銀

數仿照從前籌餉事例辦理其籌餉事例及常捐中有向歸部庫收捐如捐免保舉免考試等款及現在另立新章並火器營章程應行刪除不得援引出臣等督飭司員詳晰覈出頒發該撫轉飭遵辦其武職各官仍遵同治五年上諭一概停止不准報捐至此項實官捐輸既令按照十成銀數較之從前籌餉事例減成報捐不同若銓補班次統令歸於籌餉事例之後難期鼓舞擬將此次臺灣捐輸各員作為新班俾歷捐輸舊班恭候命下再由臣部會同吏部將新舊捐輸各班銓補章程妥議具奏並擬請將此項捐輸予限半年限滿即行停止如蒙俞允臣部即行文該撫遵照辦理設局收捐先發實收按月造冊將副實收報部請獎臣部隨時核准發照應收飯銀兩隨冊解部以資辦公再查臺灣開捐助餉待命孔亟擬由總理衙門先行電知以期迅速合併聲明得旨允行○賞給通州王恕圖等處粥廠米石○丁酉諭軍機大臣等都察院代遞候選知縣王元超奏密陳江防可慮四條據稱長江下游礮臺多不堅固江陰口係唐定奎駐守又令張景春分統事機不一長江布置宜專守下游總口乃節節分防兵力單弱倘沿江有僭土匪勢必蠱動等語著曾國荃將所奏各節酌度情形妥籌布置原片著摘鈔給與閱看將此由五百里諭令知之○致仕大學士文煜卒賜卹如例○戊戌電諭李鴻章北洋快船二號可毋庸調回仍飭式百齡統帶同濟南琛南瑞三船赴閩其澄慶馭遠兩船著仍改派赴津歸李調遣備

赴朝鮮○轉咨仲衡爲翰林院侍讀學士以陳學棻爲翰林院侍讀學士○己亥電 諭李鴻章目前辦法總以定亂爲主切勿與日人牛蚌擾使謂或由亂黨煽惑使我兩國官不和打架尙是小事等語藉此措詞或易了結著吳大澂乘輪督隊迭往確查酌辦庶將領得所應承不致臨事歧誤李鴻章仍將兩快船調回著照所請俟船到卽飭丁汝昌酌帶隊伍駛行○諭丁寶楨奏遵保人才四川鹽茶道崧蕃川東道彭名湜候補道夏時雅州府知府崔志道富順縣知縣陳錫嘯候補直隸州判李盛卿候選同知曾昭吉四川候補巡檢高啟文均著交軍機處存記○頒給江西清江縣 龍王廟匾額○庚子諭軍機大臣等據李鴻章電稱龍州來電宣光探報敢守忠初三接仗散退與劉永福均未歸隊等語著岑毓英查明詳細情形電奏前據岑毓英奏雲軍如克宣光卽與粵營聯爲一氣現在雲軍尙未得手潘鼎新自應設法會剿著該撫督軍速進與雲軍併力夾擊同奏膚功勉超一軍亟須早馳出關以厚兵力著岑毓英僅令尅日進發

十一月辛丑朔諭軍機大臣等式白齡既經北來所有南洋五船著會同國基卽飭吳安康等統帶赴閩歸楊岳斌調度該前督未到以前交楊昌濬調遣妥籌援臺之策朝鮮之事必須審慎籌辦不宜輕開兵衅式白齡前往或意在見功偏任己見不服調度事均可疑該將行止著李鴻章妥議具奏○壬寅諭御史

劉恩溥奏錄用廢員殊恩不宜濫施一摺朝廷進退人才一秉大公豈無成見所有從前覆答各員其或一時被議而才具尙堪節取棄瑕錄用亦屬取下之常豈能以一眚廢其終身倘情節較重才本庸下何至濫予恩施該御史輕信傳聞矇矓其詞妄生揣測以一己臆度之見干預朝廷用舍之權所奏殊屬荒謬原摺著卽擲還○以沈秉成爲順天府尹○癸卯諭軍機大臣等李鴻章電陳許景澄等電鎗彈均運海口美欸不到索價絲等語鎗既起運價應卽交著李鴻章就近於天津關運各庫或各營存餉迅速湊挪銀二十一萬餘兩卽日匯往給價一面派員卽赴戶部領回歸欸○以麟書署戶部右侍郎○乙巳大祀 天於 圖丘遣魁斌恭代行禮○諭軍機大臣等李鴻章轉電稱潘鼎新蘇元春督剿大捷覽奏欣慰著先行傳旨嘉獎俟詳細情形奏到再降諭旨仍著該撫等乘勝進取會商岑毓英併力掃蕩迅奏膚功○丙午諭軍機大臣等翰林院侍讀梁燾樞順天府府丞楊頤奏閩姓詭謀復開縷陳科場舞弊商賈受累奸民縱恣賄匪橫行四害請旨嚴禁並聲明澳門僻居一隅視從前閩姓已減十之六七等語閩姓弊端甚多本應嚴申禁令惟須一律禁止不使利歸他族方爲上策若如該侍讀等所奏不特省城未便弛禁卽澳門亦可逐漸禁絕應如何設法辦理之處著張之洞倪文蔚悉心籌商妥議具奏○諭軍機大臣等據會國荃轉陳劉銘傳電稱曹軍前鋒兵病無餉等語法人逼民修營爲久佔基隆之計劉銘傳

務當激勵將士迅圖克復前據李鴻章匯銀十五萬閩省又籌備銀二十萬匯發昨復令廣東撥勇會國  
荃解云耆士鎗彈朝廷籌濟豈防不遺餘力該撫一面進攻一面將收到餉械電開並飭劉瑞連籌協濟  
如再漠視卽行嚴參治罪粵官軍進規北圻勝宣光已經合圍安南官軍敗退之說不足信○諭前  
據內閣學士陳寶琛奏前山西按察使陳湜在江南軍營貪侈驕縱各節當令會國荃飭令迅速回籍並  
派孫鳳祥將參款查明具奏茲據奏稱陳湜總統江南各營添派幫辦營員撥給公費尙無虛額侵餉情  
弊惟查駐軍吳淞時往來上海確有游蕩妓館情事等語統兵大員宜如何盡心軍事乃竟不自檢束私  
行游蕩實屬有玷官箴陳湜著交部嚴加議處○諭軍機大臣等楊岳斌奏現抵湖北請由江西陸路入  
閩不駛赴金陵等語臺事萬緊鑒諭楊岳斌調度南洋五船援臺著卽由江西迅速赴閩查照吳鴻源於  
惠安縣屬之封武覘窺等澳渡臺之路相機赴臺援剿毋庸再赴金陵致延時日此旨著會國荃迅卽電  
知楊岳斌知悉聞閩口外已無法船據劉銘傳奏有法人臺南巡船繞至馬祖澳圖截師船之語會國荃  
當飭吳安康等格外慎重毋稍大意○丁未諭御史汪鑑等奏籌餉捐輸請飭屬加廣丁額等語著禮部  
歸入該御史前奏請議福建廣東鄉試丁額章程摺內一併議奏○諭御史汪鑑等奏本年冬至大祀嘗  
親王魁斌轎夫擲從外壇出入誼譁據實糾參一摺容親王魁斌失於覺察著交宗人府議處○己酉諭

刑部奏已革廣西巡撫徐延旭詳解到部請派大員會同審訊一摺著軍機大臣大學士會同刑部審訊按律定擬具奏○諭御史翟伯恆奏江南科場功令漸弛請飭及時整頓一摺著禮部議奏○庚戌諭軍機大臣等巡視中城御史繆德奏匪徒聚眾訛詐兇毆架詞興訟其案有綽號積惡較著者如坐地軍師洋鎗魯七等實為凶閹惡害請飭嚴緝等語釐穀重地豈容匪徒肆行無忌著如所奏亟應查拿懲辦著步軍統領衙門順天府五城御史一體查明拿獲究辦無任漏網原摺均著鈔給閱看將此各諭令知之○諭陳士杰奏請將虧短交代銀兩延不完解之知縣分別革職查少一摺已革山東定陶縣知縣袁炳坤昌邑縣知縣招汝濟萊蕪縣知縣陳景昕汶上縣知縣馬侃各於交代案內虧短正雜等項銀兩為數均鉅勒限展參迄未完解分釐殊屬玩延陳景昕馬侃均著即行革職袁炳坤招汝濟各任所寓所資財均著查抄備抵並著陳士杰咨行該員原籍各將撫將該員等家產一併查封備抵以重庫款○壬子諭軍機大臣等李鴻章電稱邵友濂請暫留龔照璣尚係實情龔照璣著准其暫留上海辦理接臺各事○癸丑 上諭 壽皇殿行禮○諭都察院代奏舉人吳世傑請裁汰各省局卡委員以節糜費一摺各省局卡林立委員過多糜費甚鉅迭經戶部議奏降旨令各督撫認真裁併核實辦理乃積習相沿往往見好屬員以局差為調劑並不嚴加裁汰實屬不成事體當此籌餉之際尤應力求撙節著各督撫悉心體

察將該省局卡可裁則裁可併則併其留辦各處酌定員數核實薪水毋任稍有浮糜至採辦一切事宜尤應遴派妥員綜核實心實力毋得中飽查有開銷浮冒營私肥己情事卽行從嚴參辦該督撫務當督飭司道等破除情面嚴定章程將辦理情形及各局員數銀數據實具奏一面報部查核將此通諭知之

○甲寅諭軍機大臣等李鴻章電稱潘鼎新督軍生擒三番法官阿參登著暫行免死牢固嚴禁仍嚴加防範毋任窺探軍情○諭軍機大臣等鮑超奏請在川黔等處設局轉運等語該軍到滇後著岑毓英於張之洞籌借商款所解銀兩內酌量撥給○曾國荃奏臣於十一月初三日准軍機大臣字寄光緒十年十月二十六日奉 上諭都察院代遞候選知縣王元超奏密陳江防可慮四條據稱長江下游險要多不堅固江陰口係唐定奎駐守又令張景春分統事權不一長江布置宜專守下游總口乃節節分防兵力單弱倘沿江有警土匪勢必蠢動等語著曾國荃將所奏各節酌度情形妥籌布置原片著摘鈔給與閱看將此由五百里諭令知之欽此仰見 聖朝博採獨聽無遠勿届伏查長江爲五省財賦要區瀕海之地甚廣籌辦防務歷有年矣顧自密固不能無一疏千慮又豈能無一失臣履任數月因地制宜擇其尤要者加意布置事無鉅細莫不陳奏有案深懼措置未周致貽地方隱患王元超以候選知縣眷懷時局獨切杞憂查所奏各節就於兩岸形勢未能周知梗概卽於一時敵情亦未洞悉機宜如稱長江險要



多不堅固一節查長江礮臺經前任辛苦經營所慮者不在於未能堅固而在於不合法度臣前於覆奏礮臺必須改設摺內縷晰上陳祇以事機緊急迫目下祇能就現有之臺或添造平臺以厚其力或加用礮包遮護礮臺以遏其鋒凡此多方之補救總期與敵礮足以相持而已原摺所稱有不擊自動之勢未免言之過甚烏龍山距省垣七十里其地本不扼要所有舊安礮位臣已全數移往鎮江下游之象山矣其原有礮臺祇派勇數十名駐守係為豫防坍塌起見似可毋庸過慮又稱長江以江陰口為門戶事權不一深為可慮一節查江陰下游三百餘里南入吳淞北出崇明水勢浩瀚口門沙洲最多吳淞為申江之口乃入蘇州松江之門戶而非長江之鎖鑰也守蘇松則當以吳淞為重鎮守長江則當以江陰為要隘蓋由海入江至此而江面稍窄南岸山勢環抱便於屯營北岸圩田較多便於扼守臣以重兵守吳淞為保蘇松也以重兵扼江陰為保長江也原摺稱為總口是知其一而未計其二也上年唐定奎因病乞假卽係張景春代統臣六月由吳淞江陰經過兩次維時防務萬緊奏派張景春接統該軍察看張景春忠勇奮發實可當此重任乃敢陳奏嗣奉 諭旨催唐定奎赴防統帶礮部唐定奎八月力疾來省臣又奏明將江陰之銘武四營歸唐定奎統領其新招春字四營歸張景春管帶仍歸唐定奎總統節制原欲事權歸於畫一十月唐定奎請假在營養病呈明一切緊要事件責成張景春辦理臣已批符照准惟唐

定奎兩足不復於行略可維繫軍心張景春一身任勞任怨實能豫備戰守況有長江提督李成謀水師數船記名藩司劉連捷南字六營同駐江陰水陸聯爲一氣軍興以來老成宿將營戰營守固無有出李成謀劉連捷之右者臣奏派該二將移守江陰有案可稽此江陰將才可恃之一端也原摺又稱長江宜專守下游總口一節未列地名不知果何所指若指吳淞則固已設守矣若謂上游關山關都天廟焦山象山諸設各礮臺皆不宜守則又無是理也傳曰易夫重閉臣忝任江圻自應稍慰吳中士民之望且派營分守象山焦山都天廟關山關等處無非爲外固門戶內備堂奧起見如僅專守江陰一隅竟置鎮江天塹之險於不顧微特兵家無此辦法卽上游兩岸士民勢必紛然遷徙臣亦何敢出此下策也摺內又稱沿江有警淮南北土匪勢必聞風而起一節查歷年饑饉窮民生計日蹙各處皆有伏莽萬一長江有警土匪乘機蠢動原屬意中之事若果如王元超所奏豈僅淮南北爲可慮哉現值冬防緊要臣與漕臣撫臣提臣迭飭地方文武各官稽查保甲增添丁役到處巡邏目下苟安無事倘或土匪竊發自當分兵剿辦尙可及時撲滅祇以撥營赴臺赴閩爲數太多餉項支絀不能到處皆防致滋多口之憎上煩聖朝之慮此臣所以夙夜兢兢也欽奉諭旨南琛南瑞開濟澄慶馭遠五船交吳安康統帶入閩歸楊岳斌楊昌濬調遣指日相機前進自此以後江南水師之力更形單薄矣且水陸月餉今冬勉力支持明春

益覺枯涸無從籌措臣所焦灼者乃在於此然留任一日自當盡一日之職臣治軍以律取下最嚴當局自愛者則願受約束以成材就中趨利者或不免違言而尋隙所幸 聖慈在上俯鑒愚忱臣益當實事求是避嫌怨砥礪致身以報 國訓練待戰以禦敵庶幾一兵得一兵之用仰副 朝廷眷念江防之意報聞○乙卯李鴻章奏准刑部咨開各省軍流徒犯脫逃日眾宜變通整頓又五軍內附近近邊邊遠三項應否刪減請飭各省悉心酌議等因奉 旨依議欽此當飭臬司遵照茲據該司松椿督同保定府知府朱站旬議詳前來臣查前明設衛分屯軍犯有戍役之勞與流犯之安插爲民者有異故附近充軍重於滿流三千里今邊衛盡撤不以罪人充卒伍其五軍內之附近一項名雖加於滿流實則僅止三千里卽近邊邊遠二項亦與滿流道里相等且滿流人犯在配脫逃例發附近充軍反少於原犯一千里未免輕重失宜似應將附近近邊邊遠三項刪去酌留極邊四千里及煙瘴充軍二項爲滿流加等地步以昭核實其改發充軍人犯能否卽復舊例仍發新疆等處種地當差應由新疆大臣察核奏辦至直隸例不安插軍流惟徒犯每年約有百數十名向於本省距籍五百里之地均勻酌撥由配所州縣發交吏目典史轉發防夫管束但擬站拘役徒有虛名亦不能專派一差看守一犯其中人命關嚴等犯多有親屬懷業每冀徒滿遞回逃者無幾惟竊盜搶奪等犯類皆游惰之民且向無口糧飢寒交迫往往來間脫逃

若加重防夫罪名官吏處分恐致相率諱匿不若酌給口糧分別充差直隸大治州縣每處徒犯十餘名小治數名此項口糧每人每日不過銀錢五十文核計為數無多應令州縣捐給查各屬總有捐給者但僅授食當無以維繫身心此後凡有徒犯到配應察其本係良民派充鋤草打更等項夫役如係游惰應收入自新所資令學習織帶編袋等事例應鎖帶鐵桿者仍暫行鎖帶俟知悔悟酌量開去俾便習藝冬令捐給棉衣以禦寒既無凍餒之虞馴良者自能安心供役游惰者漸使悔罪遷善如能學成一藝在配時已可略得工資迨徒滿還家亦得就此開口不致終身廢棄前已飭屬議立自新所安置竊賊等犯其未設者應令量為添設所費有限而徒犯亦有棲身之地不致散漫無稽逃者自可日少其餘事宜悉循舊例辦理下刑部知之○丙辰諭御史張廷燦奏豫省州縣捏災侵蝕錢糧亟宜認真糾查一摺據豫省各州縣催徵不力後必捏報災區稟請緩徵所報災區已完錢糧歸入私案甚至勾通差書改換徵冊臧交藩署書吏舞弊分肥等語錢糧為維正之供自應涓滴歸公豈容絲毫弊混若如所奏各情竊國病民莫此為甚著鹿傳霖認真稽查嚴杜弊端如有前項情事即將該州縣從嚴參辦倘竟漫無覺查一經奏參得實定將該撫一併懲處並著各直省督撫一體嚴查力杜捏飾侵蝕等弊以重庫款○張廷燦奏各省所參虧短正雜錢糧州縣俱係已革已故其於現任人員據實彈劾者實屬寥寥豈從前滯滯見聞

直符其人之已革已故而始行覺察耶緣虧短各員惴惴無華之吏絕少大凡皆習於鑽營慣行賄賂肆  
意騷擾罔知節儉往往稱爲才幹愈大者虧空愈多封疆監司因其平日逢迎周至每姑息優容不但不  
登白簡反爲之更調優缺冀圖彌補或於新舊交替時強使後任分爲擔承以致輾轉因仍積欠動至累  
千累萬不可收拾間有含糊糾參而查抄監追不過捏報家產盡絕敷衍了事究竟於 朝廷止供毫無  
補益當此庫欸支絀之際抽釐報捐於萬不得已之處尙且多方籌畫乃於明明有著之欸反任其吞蝕  
不能切實認真清釐公忠體 國者當如是耶臣以爲與其追求於後而賠償徒託空言何如防範於前  
俾涓滴皆歸實用相應請 旨飭下各直省督撫嚴定章程嗣後州縣於正雜各項年清年欸不准絲毫  
含混虧短各員隨時參劾監追無少寬假庶足以除積弊而裕餉源 上諭御史張廷燦奏各省州縣徵  
收正雜錢糧請飭嚴定章程年清年欸等語著戶部議奏○丁巳卞寶第奏記名提督劉永福前在越境  
講求避敵之法開挖地營極資得力臣曾函託雲貴督臣岑毓英就地訪求築法據構劉軍地營實該督  
爲之創始初在臨安館驛等處設法挖築會殲巨寇今春駐越南興化城外築成連營十餘里營外排釘  
鹿角棚復於棚外安置地雷我軍萬衆盡伏地營不見一人法人屢次攻撲未能得手又以氣毬升高窺  
探知其堅固迄不敢近三月間糧竭我軍撤動法夷在隔河施放開花巨礮自辰至申一千數百餘響並

未擊傷我軍等語由該督臣兩覆並繪圖貼說附寄前來臣當按其圖說詳加考較竊以爲法夷犯境礮械最爲長技而惟此時地挖營足以避其轟擊因將原寄圖說反復推求詳晰註釋飭令防營在於省城東門外洪山地方如法挖築臣隨親往因看派勇藏入地營外用大礮安放子藥距地營稍遠處對面轟擊試演一過未傷營內一人以此推究敵礮遠至可以無虞倘其棄舟登岸攻撲地營我軍由內施鎗連環擊放實可立於不敗之地陸地防守最爲合宜謹繪圖詳說恭呈御覽並造具模式咨送軍機處以備參考至應否諭飭沿海防營仿照辦理之處出自聖裁上諭軍機大臣等前據卞寶第奏訪求地營築法繪具圖說呈覽一摺當諭令楊昌濬劉銘傳酌辦沿海防務緊要均應妥籌備礮並著各該將軍督撫酌度情形一體籌辦原摺及圖說均著鈔給閱看昨據都察院代奏教職陳麟圖條陳防務請暗修礮臺多備小輪船應敵漁船有二弊不可用等語前據據臣工陳奏修築礮臺等事先後諭令各該將軍督撫籌議朝廷博採衆論期無遺策陳麟圖所奏是否可行著一併酌核辦理原摺均著鈔給與閱看將此各諭令知之○戊午諭左宗棠奏詳察臺灣情形妥籌赴援一摺據稱八月十三日基隆之戰官軍已獲勝仗因劉銘傳營務處李彤恩駐兵滬尾以孫開華諸軍爲不能戰三次飛書告急堅稱滬尾兵單將弱萬不可靠劉銘傳爲其所動遽拔大隊往援基隆遂不可復問李彤恩不審敵情虛詞搖惑擬請

卽行革職遞解回籍不准逗遛臺灣等語前敵軍情關係極重必應確切查辦不得含糊了事李彤恩所  
稟劉銘傳各情人員藉藉果係因此貽誤厥罪甚重非遞籍所能贖辜前諭楊岳斌迅速赴閩援臺卽著  
該前督於到臺後詳確查明據實參奏李彤恩著卽行革職聽候查辦將此由五百里諭令知之○諭文  
緒等奏遵旨酌保剿辦竄匪出力官兵開單呈覽一摺本年七月間直隸多倫吉等處匪首王端仁周沅  
得等率黨竄入呼倫貝爾被練軍擊敗直撲黑龍江省城經文緒等督飭官軍會同蒙古王旗所派員弁  
將全股首要各匪剿擒淨盡在事出力各員弁尙屬著有微勞自應量予鼓勵所有單開各員著照所請  
獎勵該部知道○曾國荃奏上於十一月初二日欽奉電寄 諭旨式百齡既經北來所有南洋五船著  
曾國荃卽飭吳安康等統帶赴閩歸楊岳斌調度該前督未到以前交楊昌溶調遣妥籌援臺之策朝鮮  
之事必須審慎籌辦不宜輕開兵衅式百齡前往或意在見功偏任已見不服調度事均可慮該將行止  
著李鴻章妥議具奏欽此初六夜欽奉電寄 諭旨本月初一日諭令曾國荃將南洋五船飭吳安康等  
統帶赴閩歸楊岳斌調度該前督已據奏報起程現在行抵何處著卽趕緊赴閩妥籌調度設法渡臺援  
應欽此初七夜欽奉電寄 諭旨楊岳斌奏現抵湖北請由江西陸路入閩不駛赴金陵等語臺事萬緊  
疊諭楊岳斌調度南洋五船援臺著卽由江西迅速赴閩查照吳鴻源於惠安縣屬封武規窺等澳渡臺

之路相機赴臺援剿毋庸再赴金陵致延時日此旨著會國荃速即電知楊岳斌知悉閩口外已無法  
船據劉銘傳奏有法人臺南巡船繞至馬祖澳圖截師船之語會國荃當飭吳安康等格外慎重勿稍大  
意欽此仰見 聖訓周詳多方指示欽感莫名 臣當即恭錄咨行楊岳斌楊昌濬吳安康等欽遵辦理在  
案初七日接江陰張景春來電威利船初五日到江陰裝官弁勇丁六百人均帶鎗械初六日開行赴臺  
又據邵友濂龔照璣電稱此次勇械並運意在由恆春臺東登岸惟聞閩口法船南去正恐與威利相遇  
危險更甚於前未知能達彼岸否又據吳安康稟稱前與式百齡察看南洋五船互相斟酌熟商據云南  
琛南瑞兩船之礮須加鐵柱六根其五船舵樓須用兩寸厚鋼板遮蔽庶足抵敵人和吃克斯之礮式百  
齡復稱南洋五船除南琛現有和吃克斯礮二尊外其餘四船均應照標添置查上海地亞士洋行尙存  
有北洋定造兵船和吃克斯礮十二尊前經超勇揚威船佔去四尊尙餘八尊稟請商借分配 臣以其所  
稟各節均與式百齡商定爲出洋必不可少之礮即日電商北洋大臣李鴻章請飭龔照璣向該洋行暫  
借礮位八尊分配四船其五船應配之鐵柱鋼板各件則飭吳安康督率各船漏夜趕辦不准稍有延緩  
又吳安康稟稱式百齡查明水線凡船赴閩必由馬祖澳經過由閩赴臺亦必由馬祖澳經過該處泊有  
法會鐵艦及木壳兵輪魚雷各船或三五隻或六七隻往來無常多少不定又稱馬祖澳距長門四十餘



里潮落之時水深僅一丈四五尺不等我軍五船大者吃水二丈二尺小者吃水一丈八九尺必須守候潮漲方能進口其勢不能夜行除此一線之別無他路可入是馬祖澳乃入閩之一大關鍵也內中最多石礮兵船出入皆須循照浮桶遶進而行法船先已據此要害之地全仗 聖朝威福各船必須極力拚命轟打方能進口等語式百齡因水線情形如此亦無把握是以不統南船南向而統北船北行無他意也查楊岳斌陸師取道江西入閩方至燕湖卽奉電 旨不赴金陵 臣以吳安康所統五船既歸楊岳斌調遣自應派吳安康溯江而上面求楊岳斌指授機宜據稟初七日在燕湖見面敬聽楊岳斌訓誨楊岳斌仍上湖口入閩飭令吳安康欽遵 諭旨刻日在滬整備各件添安礮位探明前路的情況開駛出洋以便相機乘隙穩慎前進方不致挫敗取辱吳安康自願懷遵初七日 諭旨格外慎重勿稍大意一面偵探確情一面相機出洋茲據稟報前來理合先行奏聞仰懇 宸廑再 臣接楊岳斌函開該軍所需鎗礮甚亟欲江南代爲添籌 臣又協濟後膛鎗一千桿子三十萬顆及洋藥銅帽黎意鎗子彈等件合前協濟之鎗二千桿子四十萬顆均交來員楊秀寶領收星夜起解並由籌防局給發運費銀一千兩徑向楊岳斌行營投收應用合併陳明 上諭軍機大臣等覽奏均悉著卽飭令吳安康將五船礮位等件配齊卽日前進馬祖澳法船來去無定務令格外穩慎確探前路乘隙赴閩但能遙作聲勢自可牽制法

船以移壘○已未 上詣 大高殿祈雪○諭軍機大臣等鮑超一軍據報於十月二十七日行抵蕩  
縣已諭令丁寶楨籌給行糧催令迅速進發該軍到蕩後著該督仍遵前旨於張之洞籌給商款所解銀  
兩內勻撥餉需並與該提督聯絡一氣會商進兵機宜以資得力○諭軍機大臣等法添艦裝多兵赴基  
隆狡謀叵測著左宗棠楊昌濬恪靖各營及程文炳車炮日渡臺吳鴻源計已抵臺飭速會同土勇進  
剿南洋五船曾國荃飭即赴閩作聲援以分法勢楊岳斌現抵何處左宗棠等轉電速進赴臺不得逗遛  
閩省云者士鎗彈何國荃務速運鳳連解吳鴻源營並著左宗棠等將臺軍餉械源源接濟基隆久被法  
踞著劉銘傳迅即進兵乘彼添兵甫到力圖攻拔毋再遲延株守致敵根深蒂固自干咎戾○庚申諭奎  
斌奏遵保循良一摺山西冀寧道馬玉瑤署太原府事蒲州府知府沈晉祥寧武府知府龔廉三解州直  
隸州知州姚官澄代州直隸州知州錫良均著交軍機處存記○以陳嘉爲貴州安義鎮總兵○辛酉諭  
軍機大臣等李鴻章轉奏劉銘傳電報已悉據稱劉璈意在壘壞臺北等語劉銘傳身任巡撫屬員用舍  
是其專職臺南地方邊關劉璈統率臺營辦防職任極重如果可用該撫當屏除畛域成見督率妥辦如  
寬不得力另易生手不致貽誤防務即將劉璈撤去派員接辦毋稍姑容著黃成劉銘傳切實籌畫分別  
辦理倘措置失宜有誤地方惟該撫是問前據李鴻章電稱邵友濂請留龔照璠已准行著仍飭該道赴

臺由李鴻章會國基酌保妥員辦理撥發各事並飭邵友濂會同經理○諭御史恩瀛奏條陳科場事宜  
請有飭議一摺著該衙門議奏○甲子李鴻章電致總理各國事務衙門劉督辦展電臺北兵單法添兵  
赴基隆援甚急糧程各隊一時難抵臺又係新募少利器頃與諸將籌商擬由直防銘盛兩軍選精將帶  
精練淮勇七八百人配給後門鎗礮藥彈電商劉照璣等由滬密雇輪船至山海關載運放大洋繞赴臺  
灣東南之卑南港登岸惟弁勇須給三箇月足餉船價亦昂准軍餉缺無措擬飭長蘆運司在庫儲備放  
京奉各餉內移緩就急撥銀五萬兩除付勇餉船價外有餘卽交船帶往劉撫以備接濟各營撥出老勇  
仍令就地募補歸隊操練乞速代奏請 旨遵行 上諭李鴻章電稱選將帶勇赴臺撥銀五萬兩另募  
勇歸隊等語所籌甚足依議速行○諭軍機大臣等會紀澤電稱旁報法新兵卹曾派六千兵踰越另派  
六千續往擬乘雨渡前逼我軍出越又擬取道陸岸繞北里華兵之後使不戰自潰西人以我兵心易亂  
慣用此間道等語敵情叵測著岑毓英潘鼎新嚴備並力籌攻取彼如繞出北里正可斷其歸路出奇制  
勝須相機妥辦張之洞催馮子材王孝祺兩軍迅速到防○諭前據直隸生員楊廷昕等以毀廟改河關  
係民生利害等詞赴都察院呈訴當諭令李鴻章等確查具奏茲據奏稱八里橋官莊窪兩處地勢高下  
懸殊挑河既難施工築壩尤虞漫決當派天津道等督同官紳前往逐細測量徐樹銘所擬朱家口築壩

封河引入子牙河各節實屬地勢民情大有窒礙請毋庸議辦仍於上游四十八村設法補救等語獻縣朱家口河工既據查明窒礙情形即著毋庸置議至上游四十八村迭被水患現擬圍築河堤挑展引河各工著李鴻章遴員勘議分別認真辦理總期有利無害保衛民生○乙丑諭內閣學士徐致祥奏請罷開鐵路急修河工一摺朝廷廣開言路原期拾遺補闕實事求是以臻上理言事諸臣自當於政治得失據事直陳若妄逞臆說信口詆訐此風斷不可長徐致祥此奏並不平心論事輒敢肆行詆誅殊屬誕妄著交部議處○諭內閣學士徐致祥奏保薦人才等語福建按察使裴陰森著交軍機處存記江蘇候補道朱之榛著該督撫送部帶領引見○吏部奏內閣鈔出光緒十年十月初二日奉 上諭劉銘傳奏臺北基隆礮臺為敵攻陷我軍獲勝一摺等因欽此九月十九日奉 上諭劉銘傳奏法人攻撲滬尾接仗獲勝一摺等因欽此九月二十六日奉 上諭岑毓英奏法人攻撲河內迭挫凶鋒一摺等因欽此九月二十九日奉 上諭潘鼎新奏官軍在陸岸與法人接仗獲勝一摺等因欽此欽遵鈔出到部中等查以上四案除武職人員應由兵部辦理外其原保單內文職人員間有與奏定章程不符者業經欽奉 諭旨允准應即欽遵行文知照俾資鼓勵溯自咸豐年間剿辦髮捻回苗遇有攻克城池斬擒要逆悉准破格優獎追剿平各逆漸次肅清迭經臣工以嚴防冒濫分別等次條奏及臣部屢次釐定並奏明各保案

與定章不符卽奉 旨允准之件仍應請 旨更正竊維臣部歷次釐定保舉章程靡不至詳且盡歷次嚴核保案亦從不稍涉寬假要皆爲內地經營示以限制並皆因內地軍務稍鬆之後不能不預杜徇情濫保之私今則邊事方殷需才孔亟越南爲蠻荒瘴癘之鄉臺灣爲孤懸海外之地一切戰守事宜較從前剿辦內地各逆遠近難易迥乎不同欲求有勇知方惟在信賞必罰誠如本年七月初八日 聖諭凡我將士奮勇立功者破格恩施並特頒內帑獎賞退縮貽誤者軍前正法煌煌 誥誡薄海咸欽臣等公同商酌擬請除將不准保舉十條開單恭呈 御覽請 旨飭下各統兵大臣仍不准奏請保舉此外凡與外洋接仗獲勝出力人員悉准各統兵大臣從優保獎並准懇請破格 恩施概不以從前內地保舉章程嚴其限制如保案係奉 旨允准之件其原保清單內卽有與內地保舉章程不符者皆係 恩出自上毋庸奏明請 旨更正應卽欽遵註冊知照如保案有奉 旨交議之件臣部擬仍照異常勞績核議似此重賞之下必有勇夫俾中外臣民暨各營將士咸思用命敵愾同仇各統兵大臣既得有激勵將士之權卽可有迅奏膚功之慶而歷次奏定內地保舉章程與現在越南臺灣獲勝保舉章程亦可並行不悖倘各統兵大臣因有論功行賞之典轉以行其徇情濫保之私匪特難逃 聖明洞鑒抑亦何能掩衆人耳目諒諸大臣等各矢公忠必不出此竊將不准保舉十條敬繕清單恭呈 御覽一五六品京堂

一輪備坊缺及過缺題奏一庶吉士免散館授職編修檢討一選用補用京職一道府以上官職請有記名 簡放一外官從四品以下加本管上司銜一增生附生選用教職一新班過缺先新班過缺分缺先用分缺間用及自創各項名目一免捐免保舉免考試銀兩一在營丁變人員未經先行奏留他省人員未經先行奏調得 旨如所議行○丙寅諭軍機大臣等據楊昌濬電稱臺事可慮半在法寇半在堂屬不和劉璈布置不錯劉銘傳惡之若易生手恐臺南不保等語全臺均行喫緊而臺北尤急前據劉銘傳電臺道六月報庫存八十萬僅借七萬顯係漠視臺北防軍著楊昌濬確查具奏不得稍涉袒護總之現在情形不獨臺南北宜聯一氣卽楊昌濬等亦必須與劉銘傳通力合籌師克在和萬不可各存意見該督幫辦軍務調和將帥措置一切責任綦重倘因彼此齟齬致有貽誤惟該督是問○諭軍機大臣等據潘鼎新電陳法糾英德美三國兵等語是否訛傳抑有實據著與王德榜退損情形一併詳悉電聞該撫身居統帥王德榜軍營餉械毋得任令缺乏致再失事如兵力尙單亦當隨時策應勿稍膜視王孝祺等軍何日到防並速奏聞○諭金順奏遵保人才一摺記名副都統沙克都林扎布記名提督劉宏發鄧增均著交軍機處存記○諭前據內閣學士尙賢奏黑龍江荒地甚多請將京師旗僕發往屯墾當諭令該將軍妥議具奏茲據文緒等奏稱黑龍江所屬可以招墾地方業經先後查明開墾殆徧惟克音通肯

圍場久爲封禁之區奸民詭構墾荒歛錢惑衆前經御史英俊兩次條陳業經查明佃民濫墾思則通情事審明定罪而莠民歛錢之風至今未息若再引民認墾適滋奸宄爭利擾事等語克音通竹圍場墾荒既據查明流弊甚多卽著永遠封禁仍由該將軍等督飭該管官員隨時稽查不准刁民藉詞牟利致滋事端○丁卯陳上杰奏臣接准刑部咨以各省軍流徒犯脫逃日衆亟應變通整頓又軍犯前近近邊邊達三層如何量加裁減請旨飭下各督撫體察地方情形妥議具奏等因奏奉諭旨依議欽此欽遵鈔錄原奏摺片咨行到臣當經欽遵行司妥議去後茲據按察使林述訓具詳前來臣伏查東省安置徒犯凡有驛州縣照例令其充當鋤草挑水等夫卽無驛之州縣亦各於各衙署驅使人夫內設法安置該犯等以在本省拘役例有年限尙能安分在配以望限滿釋回逃者尙少自應責成各地方官認真稽查約束似毋庸另議更張其軍流人犯向係均勻撥發各州縣安置一律責成里保人等管束軍流並無區別擬站拘役充警巡吏久已視爲具文相沿並非一日然流則不過屏諸遠方軍則實有充役之責揆諸例意名實殊不相符且強盜搶竊等項或因免死減等或因拒捕加等間擬軍戎若輩游惰性成本不願自食其力而又桀驁不馴更何肯身納範圍在配既無鎖鑰拘繫之法行止自由主守勢難晝夜相隨防範不易此其所以脫逃者衆也欲令安分守法不致疏脫固宜先有以養其生尤當設法以拘其體惟修

城濬河員糧運炭事非各處常有難爲經久之圖計惟有將流犯除年逾六十者照例給與孤貧口糧外其少壯或有手藝者由州縣捐廉酌給資本令在城內或有分防佐雜人員駐紮之集鎮營生廣成州縣及分防衙門頭役管束按朔望官爲點卯不准遠離軍犯一律勾發有驛州縣轉發驛站給予白夫口糧充當餽草喂馬挑水等役責成鈔棚頭役管束如無驛站而地處衝途里中馬匹較多者亦可酌量撥發倘有強橫不受拘束准鈔棚頭役隨時稟明州縣查訊屬實詳明立案暫行監禁以消其獷悍之氣俟於三五年後察看如能改悔仍報明提禁充役庶與例內充當軍役之意亦相脗合至五軍內附近邊遠三項道里與三流相等如軍流一律安置減等誠如部議輕重倒置今若將軍犯發驛充役辦理已有區別第立法愈繁難免挂漏不如簡而易行擬請照部議刪除附近近邊遠三層留極邊及烟瘴充軍定爲滿流加等似亦就簡核實之一法又部議新疆肅清已久由遣改軍各犯仍復舊例發往種地當差非特疏通內地人犯擁擠之虞而配所謀生有策亦可以杜脫逃之漸法良意美惟新軍能否發往應由甘肅新疆督撫臣察看情形奏明辦理下刑部知之○戊辰諭軍機大臣等據劉銘傳電陳法船聚泊基滬日內添兵將到急盼援兵等語臺防關係大局當飭楊岳斌程文炳帶營馳援尙恐緩不濟急恪站三營方恭五營赴臺較近著左宗棠張之洞加緊飭催覓船潛渡吳鴻源募勇楊昌濬催令速到李鴻章所



挑壯勇並著剋日通行安平旗後卑南等處均可登岸著探明酌辦南洋五船曾國荃務飭趕緊前進以助聲勢朝廷於援臺一事宵旰焦勞該督撫固當同心仰體劉銘傳亦應奮勉圖功以紓原系閩省匪臺之銀南洋所解云者士鎗彈何日到齊楊岳斌程文炳兩軍迅速登程現在行抵何處並即電聞○諭長書奏遵保人才一摺著廣東陸路提督鄭紹忠署欽州營參將辛善昌漢軍鑲黃旗佐領穎汝梅漢軍正白旗騎校潘衍澤均著交軍機處存記○己巳諭軍機大臣等法屢添兵赴越著岑毓英潘鼎新督軍力剿嚴防狡計王德榜軍該撫嚴飭整頓奮勇進取勿稍退縮並遵二十六日旨妥爲接濟策應宣光接仗情形若何岑毓英電奏聞丁槐至宣光與劉永福黃守忠有意見該督妥籌務使和衷得力毋致貽誤○諭軍機大臣等聞朝日已定約情節若何吳大澂等何以未電奏彼約與中國有無關礙吳大澂等曾否與井上馨面議諸加慎重弭衅防弊並即電聞黎庶昌等電稱金玉均逃在東京似宜密囑朝王執約責日政府查拿交朝等語吳大澂等酌辦○諭軍機大臣等彭玉麟等電稱粵省閩姓請暫弛禁濟餉等語著依議行仍隨時體察如有流弊卽行奏停○庚午諭給事中萬培因奏各直省年穀收成宜及時廣籌積儲請飭查照川省積穀章程辦理一摺積穀備荒爲地方要務迭經諭令各督撫實力籌辦乃近來各省州縣仍未能一律舉行其辦理積穀地方多係官爲收掌吏胥經手亦難保無侵蝕挪移情弊亟應

認真整頓以重倉儲著各直省督撫查照四川積穀章程辦理欵項通飭各州縣會同紳耆酌量勸辦妥爲經理並嚴飭州縣各官隨時稽查不得假手吏胥以杜弊端倘查有侵漁虧短等情卽行從嚴參辦○汪鑑奏治法莫備於周官後乃因之爲六部法總不外乎以官舉職以職舉政故行省設官雖多皆別無政書卽以大部則例爲政書是六部者天下之政本而則例又六部之政所由以出也其用主於居中以制外執簡以馭繁顧可聽其不類者盡一哉人第知庶政必本乎則例猶權衡不可欺以輕重規矩不可欺以方圓然此特器數之當然耳知其當然而不知其所以然則用法反爲法用而政之失中者必多所以然者何則器生於道道生於一也此平之則爲衡運之則爲規折之則爲矩萬法生於一復歸於一聖人所以抱一爲天下式而治法皆一以貫之也用法者知乎此則知周官三百六十職無非周公運用天理爛然故能成一代制作而欽定會典通禮以及律例集解四百三十六門亦皆我列聖運用天理爛然故以開萬年之太平固所謂天不變道亦不變者也若各部之則例其大綱固皆會典等書之支流餘裔亦道之所分寄當率由而罔愆惟續增之例案雖云不習爲吏視已成事逐年纂修意非不美特無如逐年所辦之案則視舊例有所出入者非真能準諸天理協乎人情變通盡利足濟舊例之窮大都不外乎此或故爲挹持或曲爲牽就其或思未周而漏識不廣而拘者尙屬無心之失耳失在一時一事所

害無多失而續爲則例貽害無窮伏讀乾隆七年正月 上諭大部纂修則例次第進呈將逐一詳覽其中或有更正或有刪除俱照新定之書遵行舊例有未協之處理應變通者自應酌量刪減等因欽此仰見 聖謨宏遠立法務協時中之至意今各部則例館似皆未思纂修二字原卽筆則筆削則削之謂故不能酌量刪減實做修字第知有案便錄僅做纂字以致愈纂愈多愈歧非疏卽舛臣忝有言職理應知無不言謹就管見所及將各部例案之疏舛者略舉一二端繕單恭呈 御覽請 飭各部整正嗣後纂修則例堂司各官務須實心實力欽遵乾隆七年 上諭或更正或刪除總期字字如過嚴無不平事事如絜矩無不方條條如運規無不圓斯箇中畫一奸吏無所施庶人無可議以成一道同風之盛治乃爲盡善 上諭御史汪鑑奏各部例案疏舛請飭釐定並條列各案開單呈覽一摺各部辦理案件必應釐定書一用資遵守倘彼此兩歧前後互異辦理未能允協必至流弊滋多該御史條列疏舛各例案著詳細查明妥議具奏此外如有未能畫一之案並著悉心釐定嗣後各部院纂修則例該堂司各官務當詳加考訂折衷至當謹爲憲典用副朝廷整頓庶務至意

光緒六十七

臣朱壽朋敬編

臣張毓英恭校

十二月壬申 上詣 大高殿祈雪○頒給湖北鄧西縣 龍神廟匾額○癸酉諭軍機大臣等有人奏

稱龍際雲任用非人貽誤軍事楊岳斌所部弁勇滋事該署撫倉皇出示措置乖方等語封疆大吏職任

綦重若如所奏各節深恐貽誤地方著卞寶第將龍際雲及李光燾等被參各款一併確切查明據實具

奏不得稍涉徇隱將此諭令知之○諭軍機大臣等有人奏湖南清泉縣陳發科臆考斃命一案該縣知

縣朱益藩一意袒庇巧為開脫難保無賄串情弊等情著該署督提案嚴行查訊務得確情按律定擬具

奏○諭吏部奏遵議處分一摺內閣學士徐致祥著照部議降三級調用不准抵銷○甲戌電 諭李鴻

章著吳續等將查辦亂黨及善後事宜詳加籌畫金玉均逃往日本駐京日使並不承認且云不能與高

麗拿人有意庇護宜向朝王詰問令其查明金玉均等究在何處訪拿嚴辦此時丁汝昌等駐紮保護事

局尚未大定自難撤回將來如我軍久駐應如何妥為隔置俾收實效著吳續與李統籌妥商會議具奏

○以周德潤署禮部右侍郎○乙亥 上詣 奉先殿 壽皇殿行禮○丙子諭軍機大臣等基隆久未

攻復朝廷宵旰焦勞時殷庶系惶諭劉銘傳進兵茲據該撫電稱左宗棠據劉璈稟奏先催進攻基隆欲  
擠臺北速失奉旨飭催係屬意度之詞該撫夙著戰功朝廷深資倚任斷不爲浮言所惑疊次降旨籌餉  
撥兵不遺餘力該撫惟當振奮圖功以副委任而服羣情毋稍以造言掣肘爲慮刻下臺北陸續添勇餉  
亦解到迅圖進取勿再遲延干咎泉州已設公棧經理臺灣文報請調楊宗源毋庸議○諭軍機大臣等  
李鴻章轉奏劉銘傳上月十九二十一二日電報已悉臺北急需援師左宗棠前派恪靖軍千人赴臺兩  
營繼發請催令速渡並再撥勁旅千人臺南現無法船新竹等處皆可登岸尅日前往圖劉銘傳孫開華  
節制援臺各事左宗棠楊昌濬力籌隨時電奏並電知劉銘傳以安其心前據楊昌濬電稱鹿港泉州設  
道橋公棧通臺灣文報著督飭妥辦勿任阻滯劉銘傳稱方恭軍廣勇不得力請調補部吳宏洛軍兩軍  
更調尙屬相宜著張之洞酌籌電奏○丁丑諭都察院左副都御史英煦奏遵保人才一摺前任順天宛  
平縣知縣趙文粹署山東惠民縣知縣沈世銓著直隸總督順天府尹山東巡撫確查各該員實跡出  
具切實考語卽行覆奏○諭詹事府左中允樊恭煦奏請申諭言事諸臣一摺據稱徐致祥因言獲咎恐  
中外臣工致生揣測轉昧求言本旨等語前降旨將徐致祥予以處分因其詆訐並不因其言事爾諸臣  
有言事之責者果於政治得失確有所見自當直陳無隱至謂言路因此被阻則該中允何以又有此奏

即分別門戶標榜攻訐爲前明惡習我朝紀綱嚴肅詎容有此等風氣不得不示以懲誡總之朝廷明目達聰實事求是期於行政用人確有裨益爾諸臣務當精白乃心懷遵迭次諭旨各據忠職不得妄生揣測樊蒸煦於朝廷用意並未深悉輒妄行陳奏殊屬冒昧著交部察議○戊寅戶部等奏九月初五日軍機大臣欽奉 慈禧端佑康頤昭豫莊誠皇太后懿旨現在軍餉緊要應如何豫爲籌畫之處著軍機大臣戶部總理各國事務衙門大臣會同妥議具奏醇親王奕譞著一併與議欽此仰見 皇太后垂念海防籌備餉需至意查近年各省地丁錢糧未能復額例入較減出款倍增伏思理財之要不外開源節流已另摺上陳但此時流未易節源未易開求其不病商累民而於財用即可稍裨者惟有開捐一事溯查從前歷辦成案或因軍務或因河工或因賑濟皆藉紳富衆力用充 國帑不忍重擾民生恭讀嘉慶十九年 上諭前據吳璥奏開捐例朕以捐例本非善政恐無實濟而徒滋流弊特交戶部覈議嗣經部臣兩議奏上因再降旨派曹振鏞托津鐵保英和四人另行妥議旋據英和單銜具奏極言捐例之弊本日據曹振鏞等三人議上仍以暫開捐例爲請現在軍需河工各項動用俱出常年經費之外姑照所請暫開撥東事例著各該部會同妥議條款具奏諸臣食君之祿皆當忠君之事除此未曾經交議者毋庸再行續奏外其餘各大臣果有真知灼見能陳裕國之策者必須字字確切毫無流弊不准泛論紙上空談

仍犯議論多而成功少之病如確有把握立能濟軍需河工之用奏上時朕採取施行卽將捐例停止若  
止言捐例之弊而別無良謀其言皆朕所稔知毋容虛陳奏牘也欽此 聖謨遠大通變濟時天下共見  
本年七月間直隸督臣李鴻章擬請在北洋開捐翎枝分發等項十月間福建撫臣劉銘傳擬請在臺灣  
地方開捐實官均經戶部先後奏准仰見 聖明因時制宜之意與嘉慶十九年 上諭正相脗合臣等  
籌度自應作未雨綢繆之計擬請暫准開捐實官但專在部庫兌收恐捐生或慮僻遠交納未便擬請  
有飭下各省督撫徧行宣示一律收捐統名爲海防事例以廣招徠凡京職自郎中以下外職自道府以  
下以及三班分缺先分缺間本班儘先各花樣暨分發指省等項俱准報捐其報捐各項銀數查從前各  
省折扣章程極爲紛亂多有扣實不及二三成者實屬不成事體今既奏請開捐若概令按照十成銀數  
又恐各捐生觀望不前的中釐定除道府直隸州州縣五項免保舉免考試加級紀錄捐復補監四成實  
銀向專歸部庫兌收仍照辦辦理其餘各項免保舉免考試現擬亦提歸部收毋庸減成此外所有此次  
京外准捐各項擬卽仿照例辦理定銀數酌減二成常例捐數一併減二成核收均以八成實銀上兌概  
不准以錢文米糧軍械折抵現在戶部暫收軍火捐輸擬請卽行停止其翎枝一項擬仍按照軍火捐章  
稅銀數三品以上捐銀三千兩四品以下捐銀二千兩准給花翎捐銀一千兩准給藍翎此照咸豐十年

奏定銀數業已減少自應以實銀上兌毋庸再行減成至四川按糧津貼捐輸仍令照舊辦理其順大直隸河南浙江安徽湖北各賑捐廣東軍火捐以及福建洋藥茶捐雲南米捐統請一併停止其未奉到此諭旨之先所收銀兩限兩箇月趕造捐冊送部逾限不准請獎其臺防經費事例亦請改爲海防事例所收銀兩亦照籌餉例減二成以歸劃一其補銓班次查咸豐元年戶部會同吏部奏定籌餉新例係按五新一舊輪用班次較優此次報捐各員如能按照銓補方足以示鼓勵應俟 命下再由戶部會同吏部兵部詳酌籌議其從前減成報捐各員有願過本班歸入新班者擬援照同治八年奏案將原捐銀兩統作二成扣抵辦理謹擬酌加成數另繕清單恭呈 御覽所有現在臺灣捐過班人員自應統照此次新章辦理若有已在臺灣捐各項免保舉免考試者查係在此次奉 旨之前照舊核准嗣後概令由部庫報捐臺灣不准再收其武職各官仍遵同治五年 上諭一概停止其初捐貢監各生甫入仕版者理合造具身家清白印甘各結不得稍涉冒濫惟查從前各省收捐弊竇最多如減折之過甚糧械之抵算空照之遺失分局之爭騰轉售之無考侵蝕之勒追賒欠之久懸收支之空冒流濫無極究請爲艱此次開捐卽由各省督撫或成藩司遴委委員只准在該省核實辦理不准委員向他省添設分局統令交各該省藩庫上兌由各該藩司遵照此次部定新章隨時發給實收按月造冊將副實收隨冊咨送再由



戶部隨時核准換給執照隨收飯照銀兩同請獎清冊解部以資辦公惟查此項飯銀舊例每正項銀百兩隨交飯銀三兩作為吏戶禮兵四部辦公之用此次開捐擬無論大捐常捐按實捐銀數百兩減為飯銀一兩五錢每張照費三錢減為二錢庶稍減捐費以期踴躍各該藩司務當選派賢員以便捐生而收實數倘查有私行折減及浮收抑勒刁難等弊即行從嚴參辦如此於鼓舞之中仍寓慎重名器嚴剔積弊之意似於國用軍需兩有裨益如蒙 俞允即由戶部出示曉諭監知照吏部通行各直省一體遵照仍督飭司員將籌餉則例詳細簽註頒發各省並將應行例定事宜分晰妥籌以防書吏需索等弊現時海防各省需用固亟而捐事必歸藩司一手核辦糧臺軍營均不准開捐藩庫收有實在成數按月咨報戶部由戶部撥歸該省糧臺軍營實收實銷以杜空收實銷之宿弊其無海防各省均令各藩司收捐專款存儲隨時報部聽候部撥不得擅自動支致款無著總之此項捐輸因海防而開必實濟海防之用是為要義並請自奉 旨之日始扣去封印日期予限一年限滿即行停止俾示限制欽奉 懿旨依議○

戶部奏光緒十年九月初五日欽奉 慈禧端佑康頤昭豫莊誠皇太后懿旨現在軍餉緊要應如何預為籌畫之處著軍機大臣戶部總理各國事務衙門大臣會同妥議具奏醇親王奕譞著一併與議欽此

臣等即公同集議伏查本年六月戶部會同軍機大臣有通盤籌畫接濟餉需之奏令各省裁節用款專

供海上兵糈並令各省於兩箇月內將某項裁減若干每月籌畫若干迅速籌備開單奏明又本年七月戶部於奏請添撥部庫邊防經費摺內陳明籌餉緊迫此後凡有戶部指撥各項海防餉需無論各省藩運司道監督等如能照數批解毫無貽誤由戶部半年題奏一次照軍功例請給優獎具有支吾推諉遲誤者由戶部隨時嚴參嗣經各直省迭次奏請撥餉均經戶部或准添領部餉或許截留京餉或停應撥協餉或令改解原餉隨時核辦一出於移緩救急爲一時周轉之計而於其何以持久俾無缺乏方切焦慮亟當妥籌今欽奉 懿旨復令臣等會同籌議臣等竊以爲國家理財一政行之無事之時較易行之軍興之際實難行之小有撙伐之世則易行之大亂初平之後尤難自咸豐同治以來粵匪亂起海疆滋事中外用項日增月益彼時籌餉卽雖然各省廣開捐例初議抽釐各軍每自謂供餉之方未全勞 廟堂之籌措兼之改幣行鈔大減放欸勉爲敷衍京省之需髮捻平後西路海防兩處用尤浩繁一歲所入不足供一歲之出又十五年矣戶部前於光緒二年奏總核度支六年奏籌備餉需深覩大亂初平民生彫敝新增入數皆有占定支欸舊例賦稅荒缺未能滿徵非及早綢繆無以爲自強之基無如內外臣工因循成習情面未除言而未必行行而未必實恭查同治九年欽奉 上諭近來內外臣工往往遇事機緊急徒事張皇追禍患略平則又泄沓成風爲目前自安之計卽使飭立戰守章程而在事諸臣奉行

不力有名無實遂使朝廷深謀遠慮均屬具文似此因循成習何時可冀自強何時可平外患宵旰焦勞無時或釋等因欽此臣等平時敬讀此旨輒深愧憤今茲法人構難戰事未已目覩時艱敢不勉竭愚忱力圖匡濟竊維自古理財之道不外開源節流二事今謹將臣等商擬開源節流各事宜另繕清單恭呈 懿覽一俟 命下山戶部分行中外一體欽遵照辦迅即施行並山戶部再行申明光緒六年所奏籌備餉需及本年六月會奏籌畫各路餉需各原議嚴切催令各省於此次接奉 諭旨後分別勒限四五箇月一體認真分別舉辦如再視同具文遲延不覆或竟空言搪塞實無整頓於來年六月底限滿之日仍應由臣等會同切實考核具摺奏參今將章程開列於後一領票行鹽酌令捐輸查同治年間前兩江督臣曾國藩於兩淮踵行票鹽修築清水潭案內令各票商按一票捐銀四百兩光緒六年戶部奏令兩淮票商以一年一運為斷每年每票除預繳正雜課釐外仍按年捐銀一次作為票本分上中下三等上則捐銀一千兩中則捐銀八百兩下則捐銀六百兩合所銷引數計算每年約可收銀五六十萬兩嗣據署督臣吳元炳奏以兩淮票商等公捐銀一百萬兩請免年捐奉 旨允准實收在案今籌辦海防臣等擬請酌中辦理查淮南五百引為一票每年約銷四十萬引上下淮北每百引為一號每年應銷二十九萬六千餘引茲酌定淮南每引捐銀四錢淮北每引捐銀二錢合兩淮以七十萬引計算每年可捐銀

二十三萬兩爲數無多不致累商如蒙 俞允上 部卽飛咨該督轉飭運司鹽道及督銷局員自接奉  
此次部文之日起接引收捐作爲每年永遠定額並於應徵課釐外分別造報戶部查核勿任牽混從前  
如有私行按票攤捐之款先後一概革除其餘有鹽務各省應令各督撫體察情形能否一律仿照辦理  
迅卽妥議具奏毋得遲延推諉此項銀兩應專備部提部撥不准挪移擅用一摺頓懇務查各省鹽務例  
定按年請領部引行鹽納課道光中葉兩淮始改行票自粵匪竄擾各省創辦抽釐濟餉兩淮踵行崇鹽  
兩浙福建節次亦奏行之每票仍按引計算但不赴部領引兩淮課釐並徵准鹽楚岸借銷川鹽川鄂兩  
省分抽釐銀兩浙課釐並徵福建課耗釐三項並徵是各崇商雖未規復綱引實與引商無異此外各省  
引商崇商官運民運辦法或有不同近年歷經官條奏加抽鹽釐戶部均議令鹽務各省實心整頓九  
年御史桂霖條奏鹽務戶部分別省分繕具清單奏令各省興利除弊本平左中允崔國因條奏又學士  
陳寶琛奏請暫加鹽釐戶部議令抽釐各省議確奏復僅據曾國荃奏請加抽川釐三文卞寶第奏請加  
收川釐一文外再加一文餘皆久未入奏今又奉 旨籌餉應再催令各省迅速妥籌定議酌定二三成  
之數或照課額加收或照釐數加收或照每鹽一斤酌加制錢幾文尅期奏明興辦以濟軍食仍將加收  
各數分別咨報戶部備考雖其事異宜原難強同其要惟在嚴杜釐卡侵漁私販偷漏而已若各省能再

將咸豐同治年來抽釐辦法一體查核各尋繹其抽釐最旺之年由何而得抽釐不旺之年由何而失更將其日增月益就款開除用項實力破除情面認真釐定總期減少一分冗費自可多濟一分餉需縱一二處實有未能加數再抽之鹽釐豈天下真無可設法整理之釐政如四川鹽務經營上丁實積不避嫌怨一洗積弊歲入巨款他省果能認真核實必有增益切勿觀望宕延空言搪塞而於籌餉毫無實際一就出茶處所徵收茶課據總理衙門單開光緒八九等年出口茶數多至一萬九千餘萬斤查道光年間英國所收茶稅約計每百斤稅銀五十兩而我之出口稅僅納銀二兩五錢不及其十分之一今擬設法整頓茶課或照甘肅茶封之例每五斤徵銀三錢就圖戶徵收增課甚多而洋人無所藉口或照寧夏延榆綏等處茶引每道徵銀三兩九錢之例於產茶處所設局驗茶發給部頒茶照每照百斤共徵銀三兩九錢經過內地關卡另納釐稅驗照蓋戳放行不准重複影射所有茶照按年預行赴部請領原領執照一年之後作為廢紙如此徵收亦與洋商毫無窒礙或於產茶處所驗茶發給部頒茶照既完課三兩九錢再徵收銀三兩九錢前後共收銀七兩八錢將向之一切雜費均予豁免惟於各海關及邊卡凡應納洋稅處仍照向章完納若在內地行銷販運無論經過何省何處釐卡關稅均免其再完稅釐則改釐為課改散成細既便稽考復免侵漁惟圖戶及販商若何稽查可無走漏應令各省督撫參酌定章覆奏辦

理一推廣洋藥捐輸查廣東省光緒初年籌備海防由藩司招商黃近源包抽通省洋藥捐銀每年認交洋銀四十二萬元五年爲滿每年遞加二萬元嗣於光緒七年經兩廣督臣奏准新商李士衡自光緒六年接辦每年包抽洋銀九十萬元仍五年爲滿各省如能仿照廣東辦法招商包抽每沿海各省以百萬兩不沿海各省以數十萬兩爲率約可得銀數百萬兩惟各省情形不同或有不能仿辦自應另籌詳細辦法查通商善後條約內開洋藥止准在口銷賣一經離口卽屬中國貨物祇准華商運入內地外國商人不得護送其如何徵稅聽憑中國辦理等語是運入內地之洋藥如何徵稅按照條約洋人原不能干預今擬不分洋藥土藥發給華商行坐部票按票捐銀以助軍餉其行票一項應填寫商人姓名籍貫按年請領每票定以十斤每斤捐銀二錢經過關卡查驗另納稅釐並由各關卡於部票內填註該商經過年月日上印蓋戳爲憑以杜重複影射無票者將貨充公並行懲辦其行店坐票填寫鋪戶姓名字號住址無論資本大小按年令捐銀二十四兩每年仍換票一次如無票者不准開鋪售賣並行懲治惟洋藥一離口岸散漫難稽且私帶私販如何防杜應俟各省議擬定章一律舉辦其未經離口之洋藥仍照條約辦理不在此例一推廣沙田牙帖捐輸查光緒六年廣東省籌辦海防奏稱每沙田一畝捐銀二錢是年該省撥過海防經費沙田捐輸銀二十餘萬兩沿江沿海有沙田者原不止廣東一省如安徽江蘇江

西等省蘆洲沙田甚多多係富紳豪民踞爲沃壤廣東既有此項捐輸他省亦可照此仿辦令有沙田省分按廣東辦法酌量辦理又查同治二年六月間准江蘇巡撫咨請勸商捐輸牙帖請由部給發經戶部援照湖北江西章程奏明頒給部帖並將條款十六則隨帖開列查條款內開各行商人捐領新帖係爲報効軍餉其從前各衙門陋規一概刪除酌定江蘇上海地方上等捐銀五百兩二等捐銀三百兩三等捐銀一百五十兩下等捐銀五十兩偏僻等地方上等捐銀二百兩二等捐銀一百五十兩三等捐銀一百兩下等捐銀五十兩應令承爲定額以裕經費等因竊維從前籌備軍餉江蘇既經請行今尙閭閻平比部請領牙帖此外惟湖北陝西有牙帖捐款他省有無似此舉辦無從查考擬令各省一體查明生息數旺及偏僻地方能否分別定則捐發牙帖裁免陋規各省卽以萬家計裁長補短每家銀一百兩計數可得百萬兩上下於軍餉不爲無補一煙酒行店入贊給帖查同治三年十二月十三日兩江總督曾國藩奏稱江北糧臺進款有統捐及花布行棧捐名目竊以從前軍需緊要江南省曾辦行棧鋪捐湖北巡撫胡林翼亦有抽收行店月盤辦法後以軍務稍平部議停止現在軍餉緊要擬收行店捐款以濟急需惟查各項行店若一概抽收又恐物價騰昂惟煙酒二行棧店最多獲利頗厚若稍有抽取究於民生日用無大關係然月盤鋪稅又似漫無限制易滋中飽不若仿照牙帖辦法頒給煙行酒行部帖核其成本大

小明定科則按年交納課銀一次應由各省督撫查明除資本微家舖戶不計外每省煙酒店大店各實有若干處所某某字號住址某處核定課銀數目造冊請帖定限解款以杜欺隱之弊一匯兌號商入費給帖查農民力田皆完納丁漕販商商亦納盤稅惟京外各處富商分設匯兌票號毫無交官之款照空囤利坐擁厚贖即以錢舖而論查刑部定例不准私自開設不准私自出票如違照例治罪律有明條乃近來票莊紛紛任意添設全無限制奸商設為騙局始則揚厲鋪張繼則侵蝕關閉流弊滋多上年胡光墉所開阜康及胡通裕票號倒欠公私款項極多尤為可惡嗣後京外匯兌票號應令請領部帖以便稽查擬參仿牙帖辦法如有匯兌票號由地方官查明實係殷實富商賣令各票號出具連環保結中請承領部帖方准匯兌紳民私款每號每年應令納帖課銀六百兩各省於前一年八月以前造具簡明清冊將商人姓名籍貫以及開設票號在何州縣互結商人姓名一併詳細開註派員赴部請領票帖以杜隔縣影射務須先課後帖不准私地帶欠如無部帖私自開設銀號即照私自開設錢舖例治罪如地方官格外勒索照贓私例嚴懲一劃定各項減平減成查嘉慶年間川楚軍需一案奏銷補虧空陝撫畢沅始創定減平之議至道光二十三年戶部奏定章程各省減平銀兩飭令按年解部並造冊送部查核此項常例減平銀內每年應解部七十四萬餘兩近年各省支發勇餉等項大半按湘平支發就湘平



一項而言或每兩扣平三分六釐三毫或每兩扣平四分九釐三毫或每兩扣平四分款數參差一收一支最易弊混他如各省之洋銀折合紋銀銀價折合錢價亦漫無定章徒滋中飽蓋各省減成支放各款始於咸豐三年光緒六年間曾經戶部查核卽各官減成養廉一項應解部庫者每年亦有銀九十餘萬奏令自光緒六年爲始每半年批解部庫一次年清年款不准截留無如各省仍不遵案起解應令各省嗣後除常例支銷各款照舊核扣六分平仍行解部外其非常例支銷款項如練餉勇餉薪水以及一切雜項均照湘平每兩扣銀四分之數一律扣平支放其扣出銀款另行存儲造冊報部候撥永不准再有牽混擅自挪移如有將扣平銀數仍行列入收款作正開銷亦必另款詳細聲明其折合洋銀錢數亦宜明有定章至各項減成銀兩亦應由各省一體查明照章減扣遵照奏案趕緊解部各省卽於接到此次部文後各將其通省應支兵餉勇餉協餉京餉及一切放款某項扣平某項不扣平扣平之項如何扣收數目分款核定詳細全行詳報一次再由部彙齊逐款查核畫一定章一嚴提交代徵存未解銀兩並嚴定交代限期查徵收款項例應隨徵隨解交代時尤應查清結報令省州縣交代每將前任短交之款列作徵存未解名目彼此通同將無作有以致各省徵存未解銀兩或數年或十餘年尙未解司多者積至數十萬兩少者亦有數萬兩之多近經戶部行催積欠以饒無如各該上司一意瞻徇深恐屬員挾制

不敢隨時作速嚴提必俟虧空之員或故或參始行揭出虧空庫款已同虛擲查抄徒有空名茲擬截至  
光緒十年十二月底止令各省督撫查明歷年道府廳州縣等官交代案內應解司道各庫徵存未解銀  
兩共有若干案分年分款分任逐一開具詳細清單於光緒十一年五月內飛咨戶部備案一面通行各  
屬趕緊批解勒限於光緒十一年五月內一律解清該督撫卽於六月初詳細開單奏報某年某員某案  
徵存未解銀兩於某年月日解司訖入於某年某冊內造報列收其或未完及欠解各員亦於六月初旬  
奏參革職提省查辦照例治罪若該省並不照此次奏定期限奏參或率請展緩希圖延宕卽由戶部按  
吏部則例所載程途日期扣算將該督撫藩司鹽糧道均照例嚴參以昭炯戒至光緒十一年正月  
起各案交代應照道光年間安徽巡撫陶澍奏定章程凡前後任交代務將現存銀兩掣數批解冊內不  
准開列存庫未解名目嗣後該督撫藩司如查出交代案內有徵存未解銀兩卽應照戶部本年十二月  
初四日奏案參辦如有參奏卽照新章將該督撫藩司等一併參處再查各省交代往往多年未結並不  
將文冊送部或僅報初參不報二參卽有徵存未解一切虧空情弊戶部亦無由知或偶送部亦多逾二  
參定期文內皆稱交代已按限算清因冊結外錯往返駁請致延日月積牘一律百端迴護牧令不足言  
該管上司無事不代爲彌縫是誠何心迨至積累數年又以新案舊案爲詞粉飾延宕無非不敢開罪屬

員之職吏嗣後若逾二參限期該省尙無文冊送部或送册而仍情外錯遲誤者戶部照八月間奏定新  
章核計程途日期概照交代逾限未清例奏參並將該管上司一併照徇此例奏參議處至州縣陞遷補  
署日期本年八月戶部奏令自光緒十一年正月起兼咨戶部察各省近來於交代一事得甘認遺漏之  
近決不與部中以確查之據事似微末實爲一切欺飾之本此後交代文冊卽依限到部查無原報到任  
日期文牘者仍專將藩司嚴參降級以挽頽風數十年來財賦之虧實由於此未可以彈書期會置諸不  
論總之欲杜虧空尤在該管道府州隨時親查屬庫必令有收卽解無可虧挪戶部本年八月奏案各省  
尤當實力遵行該上司更能核減攤捐省卻供應寬州縣之力定畫一之法庶虧空可杜庫款可足矣一  
嚴催虧空應繳應賠各款查各案虧空應繳應賠款項例應嚴催初不關籌餉辦理無如各省積習玩延  
向不嚴追雖著名富族貴家竟敢結報家產盡絕呈請豁免目前籌餉急迫自應從嚴辦結擬將光緒十  
年以前虧賠各案除已經戶部奏定追賠關稅一案仍照前奏辦理外餘均仿照追賠關稅辦法凡因公  
虧短光緒九年以前核定有案未經奏准豁免扣抵完結者擬量免五成賠繳五成其事非因公情節較  
重各案以光緒五年爲斷光緒五年以後之案仍全數追賠一切應得處分罪名均仍照定例辦理毋庸  
更議其光緒五年以前核定之案未經奏准豁免扣抵完結者擬量免二成賠繳八成均限定自此次奉

旨之日起期限一年繳清其虧款賠完或仍應究治罪名處分或例應減免罪名處分之處亦均仍照  
舊例辦理倘一年限滿仍延不清繳以及雖完繳而不足此次所定應繳成數均應由承追各衙門於屆  
限滿之日切實嚴參再行分別核定監追查抄治罪議處辦理完結其實係人亡產絕無可著追以及查  
抄估抵後尚不足數均按照此次所定各應繳成數核明其實短數目照例著落攤賠分賠完案以重公  
帑其光緒九年以前尚未核結以及光緒九年以後因公虧缺各案均仍照一切舊例舊章核辦不得入  
此次新章辦理相應請 旨飭下在京八旗都統及各省將軍督撫府尹等一體迅即詳查一面將此項  
應照新章賠繳虧缺人員銜名成數限期開具清單摘敘案由限令於光緒十一年五月底一律奏咨送  
部一面嚴催各該員依限按數清完毋稍宕延其不應入此次新章辦理虧賠案件亦各當認真分別查  
追仍應遵照戶部則例所載一切賠項其力能完繳者無論本身子嗣官職大小但係現任均不得濫行  
應令其依限完交無力完繳者分別有官無官有官者無論本身子嗣官職大小但係現任均不得濫行  
請免照定例嚴辦一入官產業勒限變價解部查入官房產例應認估招買價銀解部如果無人認買即  
奏交內務府查收收取租近來竟有十八九年未賣未交之產至入官地畝例應勘報議租無如地方官奉  
行不力大約此項地租歷年盡飽胥吏之囊查戶部簿記乾隆年間未結地畝現在尙復不少擬由戶部

一面查催一面行令各省將所有入官地畝房間如係應原佃承種或應原戶承租自應趕緊令其升科納租勿庸另議若係應另行招佃議租者卽一律出示按租定價招賃若原租無可查考亦卽比照四鄰租數定價招人承買仍照例升科至已據變價房產卽通查共有若干勒限半年變價抽數解部亦可收糧鉅款一酌提漕糧漕規鹽務鹽規餘款查本年七月間據湖南巡撫龐際雲奏稱該省有鹽務緝私經費可以移作軍需復查山東糧道每年漕糧奏銷冊內有數十年應解部庫扣存輕辦並裁減船隻未解之款積聚至三十萬餘兩之多除鹽務餘款本年八月間已令各省將軍督撫酌度如有似此經費可以移緩就急者奏明辦理等因各省欽遵辦理外至漕糧漕規餘款除山東省應解未解一項卽行催提外其別省糧道有無餘款應令解部應由戶部一面查明一面令有漕各省迅速奏明辦理提充餉項一裁減鹽局經費查各省鹽捐扣留經費有扣五成扣二成扣一成不等且有不入收數先按每兩扣收八分更有並不開報經費屢經查詢迄不咨覆或不開報各局處所及應支細數一筆開銷銀十數萬兩或數十萬兩又有既扣經費更復以錢折銀再扣銀折成數種種任意開支殊不盡一應令各省將鹽局經費分別裁汰並將應支各款逐款開列於四箇月內報部由部核定支數一律照支倘不依限據實報部卽行奏參一覈減各關經費查各關留支經費有按八分留支者有按五分留支者有按一分零留支者

有並無一定留支分數者殊不盡一應由戶部督飭司員通查酌量除關涉外洋經費仍應照條約辦理外餘均定以留支確數其從前留支太多之關即可查提歸款備撥且查各關解款有既支補平補水又支傾鎔火耗既支匯費又支水脚亦應酌量更定以免濫支應令各省查明裁併奏覆再由戶部分別辦理一核定各省局員額數銀數查本年六月間據御史吳壽齡奏請裁撤各省各局等因當經戶部會同吏部議覆查各省散置各局已報部者於軍需則有善後總局善後分局軍需總局報銷總局籌防總局防營支應總局軍裝製辦總局造製藥鉛總局收發軍械火藥局防軍支應局查辦銷算局軍械轉運局練餉局團防局支發局收放局轉運局採運局軍械局軍火局軍裝局軍器所軍需局等項名目於洋務則有洋務局機器局機器製造局電報局電線局輪船支應局輪船操練局等項名目於地方則有清查藩庫局營田局招墾局官荒局交代局清源局發審局候審所清訟局課吏局保甲局收養幼孩公局普濟堂廣仁堂鐵網局桑絲局戒烟局刊刻刷印書局採訪忠節局採訪忠義局等項名目其鹽務則有各處鹽局運局督銷局其釐卡除牙釐局外則有百貨釐金局洋藥釐捐局暨兩項各處分局更不勝枚舉其未經報部者尙不知凡幾且有事應責成司道縣州縣者亦必另設一局以爲安置開員地步有地方之責者反可置身事外各局林立限制毫無究其實事一無成效該管上司不過見好屬員公歛

虛在所不計種種消耗何所底止請 旨飭下各省將軍督撫府尹等詳議章程減定局數員數並各委員銜名先行造冊備文咨報以後設局均須詳酌其事可相因而理者或總設一局將各項應辦事宜統歸其中慎派委員分股辦事以便稽查易於得力允費藉可節省溯查設局之始咸豐年間各省未經收復地方不能不設局辦事且爲設局以破衙門官吏窠臼奈故事相延各局亦復久成窠臼大失本意本年十一月已令各省督撫將該省局卡裁併酌定員數薪水破除情面釐定章程實力整頓並限令三箇月將辦理情形及各局員數銀數據實具奏一面報部查核等因已由戶部行知各省辦理如不起緊於三箇月內報部將來經部查照例案刪駁即著落濫行派委之上司全數賠補並行參辦一隨營文武分別裁汰及酌定額數銀數查近來各省勇營實爲養贍閒冗之數偶移調一營游勇隨之冗官隨之其知名者無論已如上年烏魯木齊都統恭鐸報銷一案該員僅統兵勇一千六百餘名差員竟有一百五十五員之多幾於十勇一官一官耗十數勇之餉彼帶勇數千數萬者其分潤閒官又烏可以數計若謂大軍所滋事理煩劇統領營哨各有專責必須襄辦差員方資清理不知統領營官各有公費且督撫司道政治繁要其分理佐治皆自延幕友亦足有濟是各省隨營文武員弁一項不過爲酬應親友調劑閒員而已現在征調各軍除營數較少者所用文案委員照章由公費內自行開支不應另給薪水外其

統領營數多至十數者應令仿照光緒九年戶部行令河南省復准辦法所有隨營文武各員以當時奏調有案之員酌留差遣分報吏兵二部一停止不急工程查光緒六年戶部具奏現在籌備餉需應查照同治八年奏案請將各衙門一切工程概行停止三年等因今光緒十年已滿三年之期而值海防籌餉緊要若各衙門因停限已滿紛紛請修工程則部庫實屬無款支應茲擬按照前案所有京城各省衙門及地方一切工程除自行籌備不動正款者毋庸議外其餘興修一切尋常工程應支庫項者概行停止三年至壇廟陵寢各要工關係重大其實在萬不可緩者應責成勘估大臣詳細查核力求撙節毋任稍有浮冒一各項欠勒限清撥各項預支分別核辦查上年查算光緒七年一歲出入通計各省列入銷冊補發舊欠用款共有銀四百餘萬兩之多各省預行支發下年用款亦共有銀三十五萬餘兩之數至各省常年兵餉撥數多而實支數少其餘剩之款每年皆補還舊欠尤屬漫無可稽今各省一歲收款者鮮其平日糜餉之咎實難辭責查甘肅最為瘠區新辦最為遠地督臣譚鍾麟撫臣劉錦棠尙能按土勇章程每月餉不過銀三兩其各省腹地防軍無事坐食可裁則裁若實不能遽裁不難參仿照支抑或照綠營兵餉量加支給若實係臨敵出征自宜厚其餉糈以勵戎行應由內地各督撫趕緊查辦報部核覆一律辦理一酌減內地防軍長夫查光緒七年戶部會同兵工二部議覆都察院代奏



教習王開運條陳裁減勇營各項人夫一摺經部議覆奏令各省實力裁減原以各省防軍安坐無事並非出征之時必須隨同搬運輜重可比在各省亦知長天原無須此數特多留夫數爲事後報銷地步故糧臺久爲利藪本年二月間據河南巡撫鹿傳霖咨將各營長夫裁減每營只准用長夫一百名現擬除邊海各營應用長夫仍各照定章辦理外至腹地各省防軍每營五百人只准用長夫一百名不及一營者卽按此數攤算概令自光緒十一年正月始一律照辦報部查核其有向來不用長夫者應照舊辦理毋得因此轉行添設一防軍有營房者不准再領帳棚折價查王開運原奏又稱前敵行軍不得不攜帶帳棚以免野處露宿且轉戰無定易於損失風雨之中尤易朽敗不能不半年一換周年一換若駐守防軍必修營房以圖久何需帳棚又何至隨時更換每營每年折換帳棚價銀至六七百兩之多此不過徒多浮冒等語經工部議覆各省防軍帳棚一項如修築營房之處自不准重複開支應由各統兵大臣及各督撫嚴行查核加意撙節毋得率請更換致干參處應令各省於四箇月內迅速議覆一核定內地各省兵勇餉數查各省制兵皆有定額會典所載各省旗綠各營兵額共七十七萬餘人而京師八旗禁旅十二萬有奇尙不在內果一兵得一兵之用何須各省添募防勇卽使二兵實得一兵之用亦當有可用之兵四十餘萬則各省防勇豈不大可減裁奈平時以本省舊有綠營兵丁爲無用既不教練又不酌裁

餉既不足又須酌發一任其若存若亡差遺緝捕皆賴防勇平時兵勇兼養此萬不能久支之勢稍有事變並其向有防勇動輒分佈不敷一似臨事非從新添募不可果使臨事必須添募則無事之地無事之日正宜裁定營制節存餉項以便留備臨時有事添募之需現擬請 旨通飭內地不在防戰各省定限查核各將制兵空額及老弱之兵認真裁汰將實存數目實支數目報部並令各省各路防戰勇營一體將現有勇營練軍營數人數餉數詳細普律奏定一次由戶部會同兵部參酌其現有旗綠制兵酌定兵數餉數立案嗣後即可節存餉項以爲一勞永逸之謀得 旨允行○己卯 上幸西廠子闕跳布札○諭鄭藻如曾紀澤出使均屆期滿惟法事未定曾紀澤留駐倫敦等處聲息相通辦理得宜鄭藻如於各國情形亦頗熟悉均著暫留半年以資得力○潘鼎新奏臣屢據探報法人自船頭敗後由紙作社沿江一帶添泊兵船增築礮臺嚴扼我軍直下諒江之路十月二十五日又新添來七畫五書法會率黨千餘概穿青衣白褲情形甚苦每日或二千餘人或千數百人列隊紙作社之前十餘里以防我軍出擊適接雲貴督臣岑毓英咨現在雲軍進攻宜光屬卽督飭各營進剿以分敵勢臣與蘇元春熟商法人驟添新軍其勢益橫不如趁其初到先挫其銳較易得手遂於十月二十八日飭派淮部安義等營殺新七營鎮南六營各挑六成行隊蘇元春等率毅新中右前及副前副中副後六營副將李應章參將黃雲高率

鎮南前右先鋒四營於是晚四更時分兵兩路一至該逆列隊左旁里許深林內埋伏一至右旁里許僻  
澗中設伏令提督陳嘉帶同准部安義等營殺新左營鎮南中後兩營於二十九日辰刻自堅老老營直  
出平內該逆在紙作社前正將列隊突見陳嘉之兵候至卽率法教匪數千人迎前接仗鎗礮如雨正在  
酣戰之際蘇元春黃雲高等兩路伏兵乘勢齊出各勇奮力截殺三面夾攻短兵相接陣斬法官兵三晝一  
名二晝兩名一晝一名法兵首級十一顆教匪首級二顆奪獲鎗械甚夥敵勢披靡突有袖盤五晝法目  
揮隊回身力救鎮南中營管帶彭清章殺新副中營管帶覃志成等飛身入陣擊傷五晝酋落馬匪眾相  
奪而逃覃志成頓被礮傷小腹彭清章亦被礮穿左肩我軍三面合力齊進餘逆見兵目已傷勢不能支  
乘突狼奔其隊遂潰乘勢進剿莫不以一當百愈戰愈奮該匪敗入紙作社屯負固堅守俟至傍晚我軍  
始各收隊當將斬獲法目法兵首級十七顆解懸龍州後路以釋羣疑而勵眾志嗣據南官草文樹報稱  
是役法兵提令附近村民擄屍回屯釋放歸來詢悉親見五晝受傷甚重並云斬三晝二晝一晝是實其  
餘法教匪傷亡一百八十餘名法黨各有慘色現在設防益爲周密並趕求河內增隊來助等語臣現飭  
前敵各軍加意防範所有尤爲出力之陳嘉等各員曾於船頭案內渥邀 重賞茲以一戰微勞不敢再  
求獎勵惟受傷之游擊彭清章擬請免補游擊以參將儘先補用並 賞加副將銜留黔儘先補用都司

張開成擬請免補都司以游擊改留廣西儘先補用千總文正賁把總關駿傑梁秀春三員均請免補千總以守備儘先補用軍功張華書擬請免補外把以千總儘先拔補並請 電戴藍翎親軍營營官藍翎提舉銜奏留廣西補用知縣沈茂政擬請免補本班以同知直隸州知州仍留廣西歸候補班前充補用並請 賞換花翎敕新營營官廣西試用典史劉榮瑁擬請免補本班以縣主簿仍留廣西歸候補班補用以示鼓勵至陣亡之副將蘇玉標都司陳福隆把總張元鴻顧玉芳四員臨敵勇敢奮不顧身深堪憫惜相應籲懇 俯准飭部一併照陣亡例從優議卹以慰忠魂 上諭潘鼎新奏官軍進剿樓勝一摺法人自船頭敗後在越南紙作社沿江一帶添兵爲壘十月二十八日經潘鼎新飭派將士分路設伏復令提督陳嘉帶同營勇於二十九日前往接仗伏兵乘勢齊出陣斃法官四名法兵一百八十餘名奪獲鎗械甚多敵兵敗入紙作社屯堅守不出在事尤爲出力各員自應優予獎勵記名提督貴州安義鎮總兵陳嘉雖據聲稱不敢再邀獎敘惟迭著戰功深堪嘉尚加恩著賞穿黃馬褂游擊彭清章著免補游擊以參將儘先補用並賞加副將銜都司張開成著免補都司以游擊改留廣西儘先補用千總文正賁等均著免補千把以守備儘先補用軍功張華書著免補外委把總以千總儘先拔補並賞戴藍翎知縣沈茂政著免補本班以同知直隸州知州仍留廣西歸候補班儘先補用並賞換花翎典史劉榮瑁著免補本

班以縣丞主簿仍留廣西歸候補班補用其陣亡之副將蘇玉標都司陳福隆把總張元鴻顧玉芳均著  
交部照陣亡例從優議卹餘依議該部知道欽奉 慈禧端佑康頤昭豫莊誠皇太后懿旨發去帑銀五  
千兩賞給尤爲出力兵勇欽此該撫務當激勵將士同心禦侮共奏膚功渥膺懋賞○諭都察院代遞山  
西試用從九品李昌振陳奏劉錦棠金順張曜明敏漢視邊疆使融軍餉習氣驕奢一摺覽奏殊堪詫異  
劉錦棠如果似此辜恩溺職自難逃朝廷洞鑒李昌振係山西試用人員潛赴新疆投効又復臆列各狀  
呈由都察院代遞顯有所欲不遂挾嫌攻訐情事恭讀 仁宗睿皇帝聖訓國家求言之意原冀各抒讜  
論然必定以官階予以限制嗣後不應言事之人不得妄行封奏違者按律治罪等因欽此於廣開言路  
之中嚴防淆亂觀聽之弊 訓諭煌煌至爲嚴切乃李昌振以微末人員輒將疆臣優劣封章入奏實屬  
膽大妄爲著卽行革職遞回原籍交地方官嚴加管束不准出外滋事嗣後不應具摺人員有懷欲白著  
懷遵咸豐三年二月十一日 諭旨由該員具呈各該堂官酌定再行代奏不准自行具摺以符體制○  
庚辰加賞資善堂煖麻米石○癸未諭軍機大臣大學士會同刑部定擬已革巡撫唐炯徐延旭罪名各  
一摺已革雲南巡撫唐炯出關督師並不聽候諭旨率行回省以致軍心怠玩越南之山西北寧等處相  
繼失陷實屬罪無可逭已革廣西巡撫徐延旭督辦廣西關外防務始終株守諒山遷延不進所統各軍

毫無紀律又復任用非人相率潰敗律以失誤軍機尙復何詞以解唐炯徐延旭均著照所擬監候秋後處決李鴻章左宗棠於唐炯罪名未定之先輒以人才廢棄可惜奏請錄用殊屬冒昧丁寶楨以唐炯人才可惜代爲乞恩且於陳奏所部官弁殉難懇請建祠摺內臚舉唐炯從前戰蹟尤屬有意鋪張李鴻章左宗棠丁寶楨著交部分別議處徐宗瀛前經薦舉徐延旭於屬員內遴選保奏厥咎尙輕著交部察議張之洞保薦徐延旭兼資文武實屬失當惟該督於簡任兩廣後募兵籌餉頗著勤勞著從寬交部察議陳寶琛張佩綸力舉唐炯徐延旭堪任軍事請飭分統滇粵各軍出境防剿卒至偵事貽誤非輕張佩綸曾辦閩省防務馬尾一役尤屬調度乖方陳寶琛著交部嚴加議處張佩綸著卽行革職該員尙有被參之案卽著來京聽候查辦前軍機大臣恭親王寶璽李鴻藻景廉於帶兵大員未能詳慎遴選輒行請旨擢用實屬昧於知人業於本年三月間降旨懲儆所有應得處分著加恩免○諭御史何寶光奏廣東科場流弊已極請飭整頓一摺據稱廣東科場玩法鑽營無所不有確舉數端請飭清釐等語考試爲掄才大典宜如何嚴密關防若如所奏謄錄改卷闕外走卷槍手冒充號軍場前途懸場後換卷等弊飭法營私亟應嚴禁著張之洞倪文蔚按照所奏各節先行曉示隨時切實整頓務期有弊必懲以挽澆風而端士習廣東如此他省恐亦不免著各該督撫一律嚴查禁止毋得視為具文○諭裴蔭森著署理船

政大臣福建按察使著該督撫派員署理○諭劉銘傳奏登瀛紳士捐輸鉅款懇請恩施等語福建臺灣紳士三品卿銜候選道林維源前有旨令其總辦臺北團練事宜該員深知大義於軍情緊要之時接濟軍需爲數甚鉅深堪嘉尚林維源著以四五品京堂候補以示優獎○轉陳學棻爲翰林院侍讀學士以張鴻璣爲翰林院侍讀學士○以軍機處繕修漢字檔冊予校勘人員沈恩昂等獎敘有差○甲申 上詣 大高殿祈雪○乙酉諭軍機大臣等御史方汝紹奏津防緊要周盛波現已到津請飭令訓練積部並新募各營等語前據李鴻章奏周盛波因母老暫緩起程新募各營派提督衛汝貴暫行統帶仍飭周盛波來津此時如已到防卽著貴令該提督接統各營擇要駐紮隨時認真訓練力圖報効以副委任○丙戌諭御史虞裕奏在京旗員與盛京各部司員迴避親族則例兩歧請飭一律辦理並五城司坊各官多係寄籍順天民人朦混捐納請飭嚴定章程各摺片著吏部議奏○岑毓英奏臣於十年十一月初二日奉 旨著督飭各軍設法攻克宣光聯絡桂軍力圖進取所添粵勇卽著趕緊招募訓練以期得力該督所需月餉著戶部速議具奏又於十一月十二日奉 上諭著嚴飭各營務將水路設法阻截攻拔宣光乘勝進取並力顧家喻關後路以杜狡謀又於十一月十四日奉 上諭鮑超奏請在川黔等處設局轉運等語該軍到滇後著岑毓英於張之洞籌借商款所解銀兩內酌量撥給又於十一月十八日欽

奏摺 諭旨 諭有據李鴻章電稱龍州來電宣光探報守忠初三接仗敗退與劉永福均未歸隊等語茲  
岑毓英查明詳細情形具奏前據岑毓英奏滇軍如攻克宣光即與粵軍聯為一氣現在滇軍尚未得手  
潘鼎新自應設法會剿著該撫督軍速進與滇軍併力夾擊同奏膚功鮑超一軍亟須星馳出關以厚兵  
力著岑毓英催令尅日進發各等因欽此仰蒙 聖訓周詳莫名欽佩伏查十月初一初二等日宣光各  
營打仗情形業經臣於十月二十五日恭摺詳細奏報在案嗣據記名提督劉永福游擊張世榮黃守忠  
等稟稱於二十八日暨十一月初二日出隊挑戰敵均潛伏不動初五日卯刻大霧彌漫敵忽大股出城  
直撲永福部將吳鳳典營盤永福與吳鳳典督隊由中路迎敵五品卿銜主事唐景崧督同部將談敬德  
等約會黃守忠帶隊攻其左張世榮及參將謝有功陸海涵等帶滇軍攻其右三面夾擊自辰至未鎗聲  
鏖敵甚眾敵以開花礮格林礮一面拒敵一面拖屍而走官軍乘勝追逐直抵城邊始行收隊查點各軍  
共陣亡二十三名帶傷七十名並接唐景崧來函已將大概情形電請兩廣督臣張之洞電奏在案臣前  
調記名總兵丁槐帶三千人由河陽一路赴宣光助剿該員因此路無糧在河陽等候開化糧米裹帶前  
進於十一月初九日行抵宣光中門總與唐景崧劉永福會商承認帶所部紮營攻城劉永福願堵法援  
繼因永福來稟所部人少恐難堵截臣復飛飭丁槐務須與劉永福合兵併力兜剿痛加懲創截斷水路



奏電寄 諭有據李鴻章電稱龍州來電宣光探報黃守忠初三接仗敗退與劉永福均未歸隊等語著岑毓英查明詳細情形具奏前據岑毓英奏滇軍如攻克宣光卽與粵軍聯爲一氣現在滇軍尚未得手潘鼎新自應設法會剿著該撫督軍速進與滇軍併力夾擊同奏膚功鮑超一軍亟須星馳出關以厚兵力著岑毓英催令尅日進發各等因欽此仰蒙 聖訓周詳莫名欽佩伏查十月初一初二等日宣光各營打仗情形業經 臣於十月二十五日恭摺詳細奏報在案嗣據記名提督劉永福游擊張世榮黃守忠等稟稱於二十八日暨十一月初二日出隊挑戰敵均潛伏不動初五日卯刻大霧彌漫敵忽大股出城直撲永福部將吳鳳典營盤永福與吳鳳典督隊由中路迎敵五品卿銜主事唐景崧督同部將談敏德等約會黃守忠帶隊攻其左張世榮及參將謝有功陸海涵等帶滇軍攻其右三面夾擊自辰至未鎗聲斃敵甚衆敵以開花礮格林礮一面拒敵一面拖屍而走官軍乘勝追逐直抵城邊始行收隊查點各軍共陣亡二十三名帶傷七十名並接唐景崧來函已將大概情形電請兩廣督 臣張之洞電奏在案 臣前調記名總兵丁槐帶三千人由河陽一路赴宣光助剿該員因此路無糧在河陽等候開化糧米裹帶前進於十一月初九日行抵宣光中門總與唐景崧劉永福會商承認帶所部紮營攻城劉永福願堵法援繼因永福來稟所部人少恐難堵截 臣復飛飭丁槐務須與劉永福合兵併力兜剿痛加懲創截斷水路

來援則宣城自易得手現在宣光省屬之安平府陸安州潯化州暨宣光城外之連山同安中門安嶺各  
總以及興化省屬之鎮安文振安立各縣山西省屬之夏和清波兩縣地方均已收復百姓耕市如常山  
西布政使阮文甲率土兵數百人前來投効臣已酌發銀軍裝飭令同興化巡撫阮光碧山防止使范  
文迪分投招撫並作鄉導查端雄臨洮興化屯鶴關等處敵兵屯聚約共有一萬數千餘衆昨據探報法  
國又新添悍黨已到河內聚有板船二百餘隻將裝敵上駛往救宣光並欲直窺館司抄官軍後路臣已  
督飭記名提督何秀林吳永安鄒復勝總兵單修綱參將馬維祺等各營懷遵 聖訓嚴密堵擊以杜狡  
謀臣奉 命出關急欲克復數城牽制敵勢無如滇軍難耐煙瘴自夏徂冬共瘡故官弁二百餘員名勇  
丁四千餘人疊經附奏請卹自上月二十五日出奏至今未及一月又瘡故官弁三十一員名勇丁二百  
餘人該弁勇等均係百戰之餘情殷報効竟爾志以沒殊堪悼惜此外各營弁勇患病不少臣以諸將爲  
指臂諸將又以弁勇爲爪牙今瘡故太多實深焦灼其各營病勇分起送回開化敵自給資調治而以記  
名提督楊國發副將楊發貴參將柳秉象游擊張顯福都司馬白珍守備馬綬黃義何元泰貴州補用知  
府張勝嚴州判黎映棠武生黃希恩楊永華等新募到營之滇粵各勇陸續頂補臣逐日訓練不敢片刻  
偷安劉永福部下亦有病勇數百名業經函屬招募添換外有總兵朱洪章副將陸得成參將李世興游

擊梁松生張鵬翼薛占元都司何元鳳知府丁彥同知潘德繼等續募滇粵各勇約共八千餘人一兩月內次第到防必可一戰兩廣督臣張之洞顧持大局奏請籌借商款百萬分濟各軍臣深為感佩惟分給滇軍若干由何路運解尚未准知會臣已咨請覈覆至鮑超一軍臣接其來信謂名雖藩部實係另起爐竈正在招募尙無啟程日期臣現遵旨咨催俟到關外再將領到粵餉酌量分用竊計關越奉敵必須多招粵勇方能持久提督馮子材久在關外深得民心暫提督蘇元春輕財好義取兵有術主事唐景崧奔走瘴鄉有膽有誠若蒙天恩賞准各招募粵勇多營將不耐煙瘴之各勇營概行撤換庶餉不虛糜更可分道進取上諭岑毓英奏宣光法兵出犯經官軍截剿獲勝並先後收復各地方一摺本年十一月初五日宣光法兵乘霧大股出城直撲劉永福部將吳鳳典營盤該提督等督隊迎敵主事唐景崧等分路進抄三面夾攻斃敵甚眾剿辦尙爲得手現在宣光省屬之安平府陸安州諸化州及宣光城屬之連山同安中門安嶺各縣興化省屬之鎮安文振安立各縣山西省屬之夏和清波兩縣地方均已收復百姓安堵如常仍著岑毓英督飭官軍速圖進取力挫敵鋒所有出力各員弁卽著該督查明保奏候旨施恩欽奉慈禧端佑康頤昭豫莊誠皇太后懿旨著發去內帑銀五千兩賞給此次尤爲出力兵勇欽此該督務當激勵將士同心敵愾共奏膚功源膺懋賞○丁亥諭鴻臚寺卿鄧承修奏請官被誣詞重情

輕將樊恭煦降調處分寬免一摺所奏非是近來言事諸臣每多肆口譏評並不平心論事此次徐致祥禮答因其有意詆訐前經降旨其明樊恭煦未能體會輒行陳奏是以僅予薄懲該員前在陝西學政任內聲名尙好朝廷早有所聞將來是否錄用自有權衡該京卿何得輒稱有乖衆論請將處分寬免使用人之權操之自下尙復成何政體摺內所稱 祖 宗因時垂訓不僅以分別門戶標榜攻訐訓斥諸臣等語試思門戶標榜最爲惡習恭閱乾隆年間 聖諭屢以暗結黨援混淆國是爲戒並示引 聖祖仁皇帝實錄內有言路不可不開亦不可太雜之諭嚴切申誡實爲億萬世訓行之渾本年三月間欽奉 懿旨亦以門戶標榜傾軋攻訐等弊諄諄訓飭方今時事多艱廣開言路中外臣工陳奏事件如果切中事理無不立見施行卽偶有語句文字之疵輕加責備徇至妄逞胸臆挾私揣測不得不切實訓諭徐致祥降調後陳奏時事如萬培因汪鑑汪正元惲彥彬黃自元等摺或留備觀覽或分別飭議無非集思廣益可爲言路無阻之明徵何至臣下相率緘口如該京卿所慮耶鄧承修於本年春間奏參徐延旭跋扈等情已在該革員僨事之後成敗論人並無違見此類奏章往往有之從未稍加申飭此是優容言官不存苛責該京卿自負敢言寬以言出禍隨等語登諸奏牘純臣忠愛之心必不出此是直故激朝廷之怒以博直諫之名此等伎倆難逃洞鑒著將原摺擲還並交部議處○諭卞寶第奏匪徒楊正義假冒提

督在湖南安撫招募兵丁乘機搶奪等語著該督撫飭屬嚴拿務獲懲辦近來各省募勇漫無稽察以致不法匪徒乘機假冒爲害地方實屬不成事體嗣後各路統兵大臣募勇著先行知照赴募省分督撫轉飭地方州縣稽查彈壓倘並無咨文指稱募勇卽著和留行查嚴切究辦毋稍寬貸○頒給河南中牟縣城隍廟匾額○戊子諭吏部奏遵議處分一摺大學士直隸總督李鴻章欽差大臣大學士左宗棠均著照部議降二級留任四川總督丁寶楨應得降三級調用處分著加恩改爲降三級留任前湖廣總督涂宗瀛兩廣總督張之洞均著照部議降一級留任前內閣學士陳寶琛著照部議降五級調用餘依議○庚寅諭梁耀樞奏科場流弊約舉大條請申明簡例量爲變通一摺著禮部議奏○壬午李鴻章奏廣東借大東英金五十萬磅應九釐期以十年分二十次還清由駐英欽使給據准本特簽字實票限七日匯磅至港得旨依議行○癸巳電諭李鴻章銘盛兩軍弁勇已至卑南登岸覽奏欣慰委員戴嗣源著賞三品花翎英人戴葉生著賞二等第一寶星以示優獎○諭劉秉璋奏特參交代案內短欠銀米延不清解各員請分別懲處勒追一摺浙江已革知縣呂懋榮吳鑾知縣嚴書孫已故知縣劉澍知縣周銳羅炎鄧履中降補教職黃兆槐前在本任署任及代理各任內虧交銀米爲數甚鉅迭經該撫嚴催延不清繳亟應從嚴懲辦已革歸安縣知縣呂懋榮著拿問監追查抄備抵已革候補知縣吳鑾著查抄備

抵候補知縣嚴書孫著革職拿問查抄監追呂懋榮吳鑾嚴書孫歷過任所寓所有無資財寄頓著分別查封究追已故知縣劉澍著卽行革職勒令該家屬如數清繳另補知縣周銳候補知縣劉炎鄧履中降補教職黃兆槐均著暫行革職勒限將所欠銀米一律清繳如再遲延或交不足數另行從嚴參追○乙未諭岑毓英等奏官軍進攻宣光大獲勝仗等語本月十一日主事唐景崧總兵丁槐分攻宣光南門外敵寨敵兵大隊出城援應唐景崧督兵迎擊敵軍械礮三面環施我軍進攻益力丁槐率軍力奪敵寨敵人乘舟逃遁復被粵軍擊沈溺斃無算提督何秀林合軍助戰斃敵甚多劉永福帶同黃安忠沿河截擊敵援奪其竹舟板船十二日粵軍復攻東門十三日滇粵兩軍會合猛攻迄未休息合營血戰三日勇氣百倍現在宣光城外纓汲已斷卽著岑毓英激勵將士乘此聲威規復北圻各城同膺懋賞此次出力兵弁查明存記俟宣光克復卽行具奏候旨施恩其陣亡兵弁著先行奏請優卹○禮部奏光緒十年十二月初二日准軍機處片交本日軍機大臣面奉 諭旨御史汪鑑奏請申明禮制一節著禮部議奏欽此欽遵到部據原奏內稱我 朝禮制詳備然葬祭之禮詳於常不詳於變如庶母之葬祭禮部政書未載擬請 飭下禮部據趙昞族葬圖說及禮經耐女君之文妥議臣民爲庶母從葬耐祀之例並上引 陵寢通制違考禮記周官儀禮旁徵禮通考所載趙昞族葬圖說下及族人阻遏庶母葬祭近案以爲證

佐臣等詳加參閱其所引 陵寢規制非臣下所敢援以爲例若周官士大夫之族葬自祭以後久廢至宋趙昉復爲族葬國說徐乾學採入讀禮通考而稱其善合葬之文見於禮記而衛人之附也離傳人之附也合則妻之附葬衛離喪合已有不同蓋合葬非古而從宜從俗不必強之使合亦不必強之使離我朝會典通禮各政書其不載族葬合葬之條者亦以風土人情遠近殊俗平原高阜南北異宜與其執古禮而難行不如聽人之發乎情止乎禮可相安於無事也今據該御史奏稱族人阻遏庶母葬祭每起訟端或事所問有自宜酌理準情定爲庶母葬祭之制以補例所未備查例載父妾之有子女者曰庶母所生子服斬衰三年嫡子衆子服齊衰杖期既有庶母之稱又有齊期之服死則屏諸父兆之外亦失情理之平第以葬庶母之故開城而見父母之柩不惟以卑動尊理有不順卽揆諸嫡庶子之心亦皆有所不安應准其同葬從葬不准其同穴合葬除外省風俗於父母安葬之時並爲庶母附塋生塋已就仍聽其附葬外嗣後定例凡父母先死已葬庶母後死應令於嫡繼室之墓旁縱橫各離二三尺另爲庶母開塋立塚不准開動父母先葬附塋違者照違 制例治罪如遵現定庶母從葬之例亦不准族人藉端阻撓有藉端阻撓者許其鳴官懲處至於祖塋外別置塋地其父母方死未葬並有遺囑令先死有子之妾隨同合葬者則同時開塋不至以卑動尊禮之變而不失其正仍應接嫡庶之分以次附從族人亦不得

藉端阻撓至既准其從葬自應准其祀祀應令創立木主於嫡繼室木主之旁以合 欽定義疏生既相依死亦相附之意得 旨如所議行○丙中以京師得雲 上詣 大高殿報謝○諭吏部奏遵議處分一摺鴻臚寺卿鄧承修應得降三級調用處分加恩著改為革職留任○戊戌諭前據都察院代遞翰林院編修潘炳年等奏張佩綸等債事情形給事中萬培因奏張佩綸等諱敗捏奏濫保徇私各一摺迭諭左宗棠楊昌濬查辦茲據左宗棠等查明具奏張佩綸向無棄師潛逃情事惟調度乖方以致師船被燬且該革員於七月初一日接奉電寄諭旨令其備戰初二日何璟告以所聞謂明日法人將乘大潮力攻馬尾該革員並不履行戒備迨初三日敗退往來彭田馬尾之間十五日始回船廠其奏報失事情形摺內輒謂預飭各船營備有初三日法必妄動之語掩飾取巧厥咎尤重張佩綸前因濫保徐延旭等降旨革職左宗棠等所擬請交部議處殊覺情重罰輕著從重發往軍臺効力贖罪何如原被參匪危盜督查無其事惟以押運銀兩為詞竟行逃避赴省所請革職免議之處不足蔽辜著從重發往軍臺効力贖罪何璟張兆棟辦理防務未能切實佈置業經革職免其再行置議提督黃超羣道員方勳前據張佩綸奏扼險堅持出奇截殺法兵多名是以降行獎叙茲據左宗棠等查明該提督等所部兵勇有在船廠駐守未退者有退至距廠數里地方者並有搶掠情事該提督等紀律不嚴亦可概見朝廷賞功罰罪必



期允當並超羣撤去黃馬褂方勳著撤銷勇號以昭核實已革游擊張成身充輪船營務處並不竭力抵禦竟敢竄船潛逃雖此次馬尾失利不能咎該革員一人惟該革員有統率各船之責玩敵怯戰應從嚴懲辦張成著定爲斬監候秋後處決解交刑部監禁左宗棠楊昌濬於奏行交查要件自應切實詳查覆奏乃所奏各情語多含糊於張佩綸等處分意存袒護開脫軍事是非功罪關係極重若失事之由懲辦輕縱何以慰死事者之心左宗棠久資倚畀夙負人望何亦蹈此惡習著與楊昌濬均傳旨申飭嗣後大員查辦事件務當確切查明據實陳奏用副朝廷實事求是之至意不得以或查無確證或事出有因等語依違兩可含混覆奏至于咎戾懷之○諭軍機大臣等據張之洞電稱南洋五船到閩福州廈門各口無收泊處戰無把握不戰而泊何益不如令駛來香港口外泊汲水門以北法兵煤船糧船過則出截之大幫船來則收入虎門不與戰永爲法梗等語南洋各船自以援紿爲要張之洞所陳將該船調赴廣東是否相宜著李鴻章左宗棠會同與張之洞妥爲商酌迅速電奏北洋兩船調赴朝鮮未經赴閩張之洞尙未知悉嗣後遇有此等緊要軍情著南北洋大臣等隨時互相知照以通消息○諭軍機大臣等據張之洞電稱滬泰來行有八生車敵九十三尊各帶彈四百發定每尊一千三百四十兩已立合同由粵付定銀五萬兩擬分給津軍等營應飭南洋暨上海道驗收合同由北餉付價等語著李鴻章會同

荃張之洞會商辦理總以按期銀械並清勿似德國購艦前事爲要方恭五營准其調赴欽州○己亥哈  
祭 太廟遺奕劻恭代行禮○諭國子監奏敬陳錄科防弊章程一摺三年大比原期遴選真才若錄科  
一場先多弊竇則始進不端安所得文行交修之士翁同龢等所擬慎重出納杜絕重考明示斥罰磨對  
筆跡各條於防弊均尙切要即著各該衙門嚴行申徹認真整頓毋得視為具文各該士子尤當爭自濯  
磨束身自愛用副朝廷整飭士風至意○庚子 上御保和殿筵宴○頒給上海 天后宮匾額○頒給  
四川雲陽縣 張桓侯廟匾額○是年統計出口貨值銀六千七百十四萬七千六百八十兩進口貨值  
銀七千二百七十六萬七百五十八兩相抵虧五百六十一萬三千七十八兩凡徵貨稅銀一千三百五  
十一萬七百十二兩